



BIBLIOTHECA  
UNIV. JAGELL.  
CRACOVENSIS

Lat.komp.

36914

I

Mag. St. Dr.

P

Teol. 2608




36914

I

XXV 3.

14





F

IN

AD  
DI

LIT



VITA  
SANCTI  
FRANCISCI  
XAVERII

E SOCIETATE JESU  
INDIARUM APOSTOLI,  
AC THAUMATURGI,  
COMPENDIO DESCRIPTA:  
ET  
AD PROPAGANDAM IN EUN-  
DEM SANCTUM PIETATEM  
RECUSA.

---

LUBLINI,  
TYPIS COLLEG. SOC. JESU. A. D. 1691.

---

REIMPRESSUM GEDANI,  
LITERIS JOANN. JAC. PREUSSII. 1736.

*Pro Novitiis ad S<sup>m</sup> Mathiam S<sup>j</sup>*



36.914

T

*Reimprimatur.*

DOMINIC. SIENIENSKI,  
E. M., Offic. Gedan. per Pomer.  
Generalis.



SA

GE

N

No  
Gen  
Reg  
tem  
fis  
nen





EPITOME  
VITÆ  
SANCTI FRANCISCI  
XAVERII.

\* \* \*

CAPUT I.

GENUS ET NATIVITAS FRANCISCI  
XAVERII.

**N**atus est hic Magnus Orientis Apo-  
stolus avitâ Regum Navarrae, &  
Aragoniae Stirpe oriundus, Patre  
Joanne, Matre verò Mariâ, Anno  
Christi 1497. in Xaverio (unde &  
Nobilissima ejus Familia nomen accepit)  
Gentilitio, nec procul Pampelona dis-  
simo Regni Navarrae Castro, & quidem eo ipso  
tempore, quò navigantibus Europæis recu-  
sus novus Orbis sese aperuerat: ita dispo-  
nente Divinâ Providentiâ, ut ubi mortali-



um usibus novæ terrarum partes adderentur, esset etiam, qui annuntiando barbaris illis Gentibus Evangelio, & lucrandis Christo animabus pro virili incumberet. Præstanti Adolescens ingenio, politiore literaturâ excultus, Philosophicâ deinde, ac Theologicâ laureâ decoratus: Philosophiæ Doctor cum esset Parisiis, Divo sese Ignatio junxit Discipulum, & individuum ad lucra animarum comitem: quò Magistrò in tam admirandum evasit Divinæ Gloriæ propagandæ Instrumentum, tantumque cælestis ignis mutuavit ab Ignatio, quantum ad dissipandas totius Orientis tenebras sufficeret. Huic itaque operi (quod *omnium divinorum divinißimum* vocat S. Dionysius) dum inscrutabili DEI consilio destinatur Franciscus, simul collatis in unum Spiritus Divini dotibus, & gratiis (quas olim nascente Ecclesiâ in multos dispersas Doctor Gentium Paulus, ad Corinthios Cap. 12. scribens expresserat) mirificè à DEO fuit exornatus; ut idem Apostolus audiret, & Propheta; doctrinâ abundaret, & virtute; adhæc gratias sanitatum, & opitulationes, gubernationes animorum, & genera linguarum, liberalissimè à Divino Spiritu communicata possideret.

CA-

N  
rium  
tate  
Indi  
dece  
ubi  
cent  
restit  
obso  
Tho  
vatio  
olim  
gelio  
præd  
moti  
ciper  
India  
adve  
mun  
isthic  
expia  
Regi  
quân  
mun  
mori





## CAPUT II.

### S. XAVERIUS APOSTOLUS.

**N**on immeritò Apostoli elogium sibi vendicat Xaverius; quippe qui à Christo Domino per suum in terris Vicarium Paulum III. cum potestate ac dignitate Apostolici Nuncii, ad Evangelii lucem Indiæ inferendam, rite ablegatus, toto decenniò universum Orientem percurrit; ubi ultro citroque commeando plùs quàm centum millibus milliarium emensis, luci restituit eam, quæ jam tenebris pridem obsoleverat, doctrinam Evangelicam Divi Thomæ Apostoli, simulque fidem præstitit vaticinio, quò (ut habet Indorum traditio) olim S. Thomas prædicatum abs se Evangelium in vigorem pristinum restituendum prædixerat, tum, cum mare crucem in remotiore littoris parte erectam alluere inciperet (id quod sub ingressum Xaverii in Indiam contigit) tunc nimirum ex Europa adventurum sibi in Apostolico docendi munere successorem. Myriadas infidelium isthic fide Christi imbuit, & sacro fonte expiavit; quos inter complures Reges, ac Regina, Virique Principes, ac Dynastæ quàm plurimi, adeò, ut non solius Florimundi Remundi, sed & aliorum gravissimorum Virorum constans sit effatum: una



solius Xaverii operâ plures Gentilium ad  
 Ovile Christi esse adductus, quàm omnes  
 Hæresiarchæ simul sumpti abduxerint,  
 neque hoc ex vano; cum etiam Gregorius  
 XV. Anno 1622. Sacrosancto Oraculò pro-  
 nuntiaverit: *unum Xaverium plures submi-*  
*sisse Ecclesiæ, quàm suo Romani, Græcique sub-*  
*diderint Imperio.* In sola Civitate Amanguzi,  
 Rege priùs conciliato, supra triginta mil-  
 lia: ut Urbe Tolo supra viginti quinque  
 Gentium millia, exiguò temporis spatiò,  
 DEO cæloque lucrificet, complura Ethni-  
 corum delubra, ac fana evertit; ultra qua-  
 draginta idolorum millia (frementibus  
 sæpe per aëra dæmonibus) confregit; in-  
 numera verò DEO templa excitavit: in  
 Ori Piscaria quadraginta, in Travancoride  
 viginti; plura ac plura alibi: supra duo-  
 decies centena hominum millia, propriâ  
 manu salutaribus undis abluit: in Travancoride  
 unius diei spatiò plùs quàm dena  
 hominum millia, impressò baptismali cha-  
 ractere, cælo asseruit; ut adeò præ nimia  
 fatigatione, loquendi usu panè ereptò,  
 onus habuerit, qui baptizantis (velut quon-  
 dam Moysis pro populo orantis) brachia  
 sustentarent. Primus Molucensibus, Para-  
 quariis, Acenensibus, aliisque ignotis, ac  
 barbaris populis Christum annuntiavit;  
 primus in Japoniam, sexaginta sex regno-  
 rum

rum  
 Chris  
 prim  
 nand  
 mina  
 bus  
 DEI  
 sed v  
 stolu  
 man  
 Sanct  
 quan  
 obte  
 The  
 Apol  
 Apol  
 appa  
 signi  
 decu  
 mess  
 præ  
 ipse  
 nibu  
 has  
 Vas  
 meun  
 quan  
 Stet  
 som  
 visus





rum amplitudine vastissimam Insulam, Christi causâ accessit, eique fidem inexit: primus in Chinarum portum pro disseminanda Christi fide, post tot rerum discrimina, penetravit: ubi Apostolicis laboribus fractum, immensa nihilominus pro DEI gloria adhuc molientem, non animus, sed vires, vitæque defecere. Et verò Apostolum aliquando fore Franciscum, germana ejus Soror Badesa, eximie pietatis Sanctimonialis Gandiæ divinitus prævidit; quando conceptis literis enixè Patrem est obtestata, Fratrem studiis liberalibus, ac Theologicis ut admoveret, quòd ille in Apostolum Indiæ à DEO destinaretur. Apostolum fore S. Hieronymus, singulari apparitione visus Venetiis & Vincentiæ, significavit; cùm Francisco Indias, & post decumanos labores, copiosam animarum messem Cælestibus horreis inferendam præmonstraret. Apostolum fore, DEUS ipse clarè insinuabat, quando suggestionibus quàm plurimis, & luculentissimis, has Francisco voces identidem ingerebat: *Vas electionis mihi est iste, ut portet nomen meum coram Gentibus: ego ostendam illi, quanta oporteat eum pro nomine meo pati.* Stetitque sua fides visioni, quam sæpius in somnis objecit DEUS, dum is videre sibi visus est Indum, flebili prece, palmisque

supplicibus à se auxilium postulantem: aliàs verò Æthiopem, humeris suis gravi mole incubantem, quem toto con- tu ex loco periculoso ad tutiora, velut naufragiò ereptum, ad portum transportaret. Indiam nimirum hæc signabant, cui, alioquin perituræ, opem divinitus tulit, quamque ex æterno animarum naufragio ereptam, plus quàm Herculeis lacertis ac laboribus, ad portum Cælestem transtulit Xaverius. Ut propterea Gregorii XV. hæc fuerit de Xaverio gloriosissima vox: *Xaverius nihil minus à magnis fecit Apostolis.*

### CAPUT III.

#### S. XAVERIUS PROPHETA.

**D**ono prophetiæ præditum fuisse Xaverium, agnoverunt ii, quibus intima animi sui sensa, occultas dæmonis tentationes, peccata, nullo hominum consciò patrata, & secreta cordium sæpius revelavit: coram quibus res futuras evulgavit; res dissitas, tanquam si præsens adesset, enarravit. Quòd in Portugallia Joannes III. Rex in favorem fidei, quod Romæ decernebat Ignatius; hoc eodem prorsus tempore in India sciebat, mandabat & exequabatur Franciscus, Ducentis aliquando leucis ab Urbe Malaca, in qua Xaverius

eà

eà ip  
batur  
velut  
agon  
appre  
chis  
proru  
obsecr  
ras, q  
fatiga  
quiev  
simul  
ventu  
victor  
stuni  
millia  
ratis)  
de sup  
oratio  
cendi  
de c  
event  
tià M  
privis  
vigia  
vanc  
proph  
Proph  
diceb  
ctus s



eā ipsā horā pro concione dicebat, pugna-  
batur; ipse tamen abruptō sermonis filō,  
velut estaticius, primum conticuit, tum  
agonizantis in morem expalluit, denique  
apprehensam Christi crucifixi effigiem bra-  
chiis stringens, in hæc lacrymabili voce  
prorupit: *O JESU Christe! DEUS cordis mei!*  
*obsecro te per supremos vicia cruciatus, ne dese-*  
*ras, quos Sanguine redemisti!* post quā, ubi  
fatigato similis, reclinato capite paulisper  
quievit; subitō bonō animō esse jussit:  
simulque incipientis, progredientis, ac fer-  
ventis pugnæ seriem, ac ipsam denique  
victoriam, quam ducenti & triginta Chri-  
stiani Lusitani, contra quinque barbarorum  
nulla (non amplius tribus suorum deside-  
ratis) retulēre, examussim suis Auditoribus  
de suggestu enarravit: quos illico ferventi  
oratione ad reddendas DEO gratias ac-  
cendit; appromittens, post triduum famam  
de cæsis hostibus indubiè advolaturam:  
eventus dicta confirmavit; quando die ter-  
tiā Malacensium octo naves, spoliis & ca-  
ptivis onustæ, viginti quinque hostilia na-  
vigia ad portum appulerunt. Res futuras  
vaticinō oculō adeò crebrō prævidit, &  
prophético ore prænuntiavit, ut passim  
Propheta magis, quàm Xaverius audiret;  
dicebatque nonnemo æquē Sanctus & do-  
ctus spiritum prophetiæ apud multos inter-



dum divertisse; ac apud paucos æquè  
constanter, ac apud Xaverium habitasse.  
Hinc ruinosæ cuidam, maleque compactæ  
Jacobi Pereiræ navi prosperum cursum;  
alteri verò velis remisque bellè instructæ  
naufragium prædixit: & comprobavit  
eventus vaticinium; quando illa ad por-  
tum feliciter, hæc verò ad scopulum infel-  
liciter appulsa, tabulas sparsit. Prænun-  
tiavit interitum Urbi Tolo; tragicum  
exitum D. Alvaro de Ataide; Gregorio  
Alvarez adhuc infanti, futurum sanctum  
religiosum; Francisco de Rosalas, heroi-  
cum Martyrium; Francisco Duci de Agni-  
lar mortem non violentam, sed natura-  
lem, ac suavem; Mercatori ex Meliapore  
sanitatem, Joanni Duro Socio suo sancti-  
tatem, æternamque beatitudinem; verbò,  
supra quinquaginta majoris momenti vati-  
cinia, per idoneos ac juratos testes, in  
processu pro ejus canonizatione facto,  
comperta sunt; ipso eventu firmata; mi-  
nùs notabilibus in censum non vocatis,  
ut propterea Sacra Rituum Congregatio,  
Alexandro VII. approbante, non inmerito  
edixerit, *Xaverium prophetiæ spiritu passim  
affiatum, plurima & locò, & tempore remotissi-  
ma enuntiâsse.*

CA-

XAV

M

etia  
tium  
Frat  
Inde  
Eva  
doc  
barl  
vire  
Ind  
Jap  
tab  
nan  
Reg  
Cæ  
fam  
in  
die  
sex  
tav  
jus  
scip  
Co  
fus





## CAPUT IV.

XAVERIUS CALESTIS DOCTRINÆ  
MAGISTER.

**M**agistrum, non modò laurea Theolo-  
gica, & Aristoteles cum plausu pu-  
blico Parisiis explanatus; verum  
etiam Cælestis Sapiencia Doctorem Gen-  
tium apud Indos, & Japones testata est  
Franciscum: ubi palam Divinæ Sapienciæ  
Iudum aperuit, & legem Christi prælegit  
Evangelicus Professor: quamvis vias vitæ  
docenti non semel mortem pro minervali  
barbari discipuli minitarentur. Acerrimus  
vindex veritatis hanc contra Brachmanes  
Indorum, Imanes Turcorum, & Bonzios  
Japonum popas, errorum ac falsitatum  
tabulas, inspectante, & Francisci doctri-  
nam approbante cum universa aula ipso  
Rege Bungi, constanter tuebatur; tanta  
Cælestis Sapienciæ apud illas Gentes sparsâ  
famâ, ut gentilis quispiam Anger (postea  
in baptismo Paulus) nuncupatus, ad au-  
dienda Apostolici hujus Doctoris dogmata,  
sex millia stadiorum peragrarè non dubi-  
taverit. Testantur cælestem Doctoris hu-  
jus sapientiam exaggeratæ Sanctitatis Di-  
scipuli, Gaspar Barzaus in Armuziam;  
Cosmus Turrianus in Japoniam; Alphon-  
sus Cypriani in Meliaporem; Nicolaus  
Lan-



Lancellotus in Ceilan; Melchior Gonde-  
salvus in Bazain; Ludovicus Mendez in  
Oram Piscariam; Antonius Criminalis  
(primus postea è Societate Martyr) in Co-  
morinum ablegati: quos omnes in Ignat-  
ianæ Virtutis palæstra ad conversionem  
Gentium tam feliciter formavit Xaverius;  
ut inter Judæos, Mahometanos, ac Gen-  
tiles, in famosissimos fidei evaserint Magi-  
stros, & idololatricâ superstitione debel-  
lata, innumerabiles Christo animas addi-  
derint. Ut adeò etiam adolescentuli,  
quos fidei Christianæ rudimentis imbuebat  
Xaverius, continuò tantùm non ex infan-  
tibus Concionatores effecti, docerent alios,  
quod ipsi didicissent: quin & ad patranda  
miracula, persanandos ægros, deturbat da-  
idola, expellendosque è corporibus huma-  
nis dæmones, solo freti Xaverii rosariò,  
evolarent, ut non rarò novellæ illæ plan-  
tulæ, & prima florecentis Christianitatis  
germina, ad Magistrum suum Franciscum  
cum exultatione reverterentur, & excla-  
marent, ut olim ad Christum Apostoli:  
*ecce in nomine tuo, etiam dæmonia subiciuntur*  
*nobis.* Erat videre cum tenerrimo animi  
sensu, imò cum dulcissimis lacrymis, quanto  
fervore ac zelò hî parvuli Angeli annosos  
& decrepitos senes deducerent ad Fran-  
ciscum, ut hîc Doctore viam ad cælum  
per-

per  
deb  
sex  
lac  
riis  
Jan  
M  
fan

QU

V

da.  
eju  
tru  
gul  
min  
nec  
Pri  
Ex  
sui  
sui  
sali  
nit  
exc





perdiscerent, qui jam cum canis suis tendebant ad inferos. Ut taceam plus quàm sexcentorum invictissimorum Martyrum luculentam constantiam, in insulis Manaritis; & propemodum infinitorum in regno Japoniæ: Ceilan, ac reliquo Oriente, qui Magistro Xaverio Christianæ fidei dogmata sanguine suo consignarunt, & tutati sunt.

## CAPUT V.

QUANTUM DEI ET PROXIMI AMORE PASSUS S. XAVERIUS.

**V**irtutum dona, quibus anima justī in thronum DEO dignum adornatur, in Francisco fuere penitus admiranda. Nota est universo mundo ardentissima ejus charitas, quā in DEUM, velut in centrum suum unicè ferebatur, illud Divi Augustini continuè usurpans: *Fecisti nos Domine ad te, & inquietum est cor nostrum, donec requiescat in te.* Et illud Apostolorum Principis: *Tu scis, Domine, quia amo te.* Ex quo amore profectum est, quòd omni sui curā posthabita, & contempto quovis sui dispendio, inter adversa, quæ DEL, & salutis animarum causâ, passurum se divinitus accepit: *amplius Domine! amplius!* exclamaret, caelestibus verò consolationibus



bus cū adeò afflueret, ut illis iustinendis  
 imparem se animadverteret, diductā veste,  
 flammisque ex nudato pectore, veluti ex  
 foco Divini amoris erumpentibus: *Satis est*  
*Domine, Satis est!* ingeminaret: solo scilicet  
 amore Divinò contentus ac beatus; DEO  
 placuisse, illiusque divinissimum cor exhi-  
 larasse, pro omnibus illi erat pramiis. Ar-  
 dentissimam hanc in DEUM charitatem,  
 ipsius DEI causā liberaliter in proximum  
 derivabat, nullis unquam incommodis in  
 procuranda animarum salute fractus, aut  
 absteritus; imo hæ unicæ ipsius erant de-  
 licie: unde lib. 5. Epist. 10. ad P. Simonem  
 Rodericum ita scribit Cocino: *Non est alius*  
*fructus animi major in hæc ærumnosa vita, quàm*  
*vivere in magnis moriendi periculis; quorum*  
*adeundorum unica & vera causa fuerit solus*  
*DEI amor; & ei gratificandi, dilatandæque*  
*nostræ sanctæ religionis sincerum studium. Sua-*  
*vius, mihi crede, homini est, in hisce laboribus*  
*versari; quàm sine illis pacatè, & otiosè qui-*  
*escere. Otii igitur & quietis osor maximus,*  
 percurrere Orientem nudipes (¶ vere  
 nuntium Apostolicum!) relictis post se  
 non rarò, ex veprium stimulis, & asperis  
 viarum offendiculis, cruentis vestigiis; ba-  
 julus ipse Sacerdotalium apparatus torum,  
 ac librorum divinorum, delatò secum mo-  
 dicò

dicò  
 mili  
 homi  
 marg  
 se in  
 insta  
 cede  
 Met  
 pen  
 non  
 mar  
 seu  
 fatig  
 obil  
 om  
 qui  
 ret  
 bus  
 coli  
 atti  
 stat  
 ren  
 nav  
 act  
 me  
 Tur  
 nè  
 aut  
 cau



dicō Oryzæ, quod fesso ac famenti Christi militi in annonam deserviret. *Similis factus homini negotiatori, quærenti bonas animarum margaritas.* Mercatori Ethnico aliquando se in pedisequum obtulit, jumentum illius instar equisonis curando; nullâ aliâ mercede, quàm ut eo duce Meacum, Japoniæ Metropolim, prædicandi Evangelii causâ, penetrare liceret: quem si pedes assequi non valeret, nonnunquam ad equi caudam manibus appensus (seu rueret in terram, seu erigeretur) per spinas & fentes, indefatigabilis sequebatur. Maritima itinera obibat tempestates inter, ac naufragia, ter omninò demersus, tantùm non submersus; quippe cui sub aquis tota navis incumbere: aliàs in naufragio arreptâ tabulâ, tribus diebus ac noctibus cum feris fluctibus collectatus, tandem vix semivivus, littus attingit. Indiam periturus, exortâ tempestate, quâ mercatores, ut vitam redimerent, omnibus mercibus in mare ejectis, navim jam jam subsidentem alleviare coacti sunt, quæ mens Francisco fuerit, ipsemet Epist. 6. Romam deinde perscripsit: *Tunc, inquit, suppliciter Christum orabam, nè me ex illo periculo eriperet, nisi ad paria, aut etiam graviora, sui obsequii, gloriaque causâ, reservares.* Undique oppugnatus, affli-





afflictionibus, morbis, rerum omnium egestate, inter continua vitæ pericula grassante peste, & pestilentioribus hominibus, exporrectam semper, ac serenam mentem ad DEUM habebat. Impugnabant DEI servum Gentiles, invadebant pyratae, & latrones; calumniabantur falsi fratres, & fidei desertores; ipsi adeo dæmones omnes in eum furias è tartaro evocavere, DEO servi sui virtutem exercente: dæmones infandis suggestionibus, & saepe inflictis verberibus crudeles; falsi fratres calumniis innocentissimi Viri famam lacerantes; latrones intentatâ morte formidandi; Gentiles lapidibus, quandoque & sagittis prætereuntem impetentes, sanguinem ejus sientes, vitæque non semel propinato veneno insidentes. In aula Regis Amanguzii pro stulto habitus, exhibilatus, confusus, luto ac sordibus conspurcatus; jam jam occidendus traditus latronibus, quos tamen formidanda tempestas, repente divinitus immissa, à facinore absterruit. In insula Moro, à barbaris incolis lapidandus flumen versùs se recepit; ubi (adjuvante DEO, servi sui protectore) ingentem trabem levis ad instar arundinis, manu sublatam, aquis superstravit; sicque per extemporaneum pontem, transitò flumine, saxeam grandinem evasit, attonitis, neque insequi audentibus,

tibus  
pro  
si li  
Quo  
quot  
Gent  
crept  
Regu  
idola  
garu  
rent  
Fran  
riâ:  
hoste  
& p  
in f  
Japo  
anim  
unde  
pyra  
deve  
juva  
Chin  
mon  
non  
tota  
illuc  
Chr  
anim

tibus, Barbaris. Sæpius nihilominus vitæ pro DEO fundendæ prodigus, hostibus, si liceret, occisuris occurrit intrepidus. Quoties contagiosâ lue infectis servivit? quoties in se armatos lapidibus ac sagittis Gentiles de vana superstitione zelosè increpuit? quoties contemptâ inspectantium Regularum & Sacrificulorum ultrice furiâ idola subvertit? Contra exercitum Badagarum, qui irarum ac cædis plenus, torrentis more in Neophytos irruebat, unus Franciscus, solâ armatus corollâ precatoriâ: ante suorum Lusitanorum aciem stetit, hostemque furiâ temulentum, acri obtutu, & potenti sermone perculit, repressit, & in fugam convertit. Transmissurus in Japoniam exiguæ & male sartæ naviculæ animam suam credidit; non obstantibus undequaque itinerantium cæde infamibus pyratibus: quemadmodum & insulam Moro, devorandis peregrinis assuetam, proximè juvandi causâ imperterritus adiit; & in Chinarum continentem penetravit, ubi mortem sibi venturo omnino decretam non ignorabat. Ità DEUS, & Proximus totam sibi vendicabat charitatem Xaverii, illud semper præ oculis habentis effatum Christi: *maiores charitatem nemo habet, ut animam suam ponat quis pro amicis suis.*



## CAPUT VI.

### S. XAVERII HUMILITAS, SUIQUE MORTIFICANDI STUDIUM.

**C**haritati Xaverianæ individua comes  
jungebatur humilitas; sub cujus ma-  
gisterio ità profecit docilis discipulus  
Xaverius, ut sese omnium hominum ne-  
quissimum crederet, & palàm profiteretur,  
ità enim Epist. 6. Romam datâ de se scribit:  
*me sanè pudeat nequissimum omnium mortalium  
in ultimo discrimine* (loquitur de periculosis-  
sima tempestate) *præ caelesti lætitiâ tantam  
lacrymarum vim profudisse?* Hujus virtutis  
ductu, seipso contemptô, & laudabiliter  
immemor suæ avitæ nobilitatis, à Regibus  
Navarræ profectæ, collatæque sibi in fidei  
promovendæ favorem dignitatis Legati  
Apostolici, ad genua, & deosculandas cu-  
juscunque Sacerdotis manus reverenter  
accidebat; omnium se postremum sen-  
tiens, omnium pedibus calcari, pro DEO,  
exoptans: terrâ & mari, Xenodochiô &  
itinere: nemo erat tam abjectus, cui ipse  
primus non ministraret: curabat jumenta  
& ægros; vertebat istorum habitacula, stér-  
nebat lectos, emendicatos cibos coquebat  
ipse, & eorum ori ingerebat, morientibus  
consolator adstabat, ad sanctè moriendum  
disponebat; mortuos denique sepeliebat;  
verbô,

verbô  
ipsam  
cô ar  
suo al  
inde t  
putres  
nanter  
quam  
pertita  
animi  
propol  
preme  
Sacra  
Lectio  
manda  
dictô si  
quoque  
tit hun  
inde, r  
bat, fer  
copioso  
bumi j  
nautici  
creber  
erant:  
ator m  
dormi  
ticorum





verbô, medicus iis erat & mediastinus : ipsam adeò ulceroforum saniem aggressus eò ardore sui que victoriâ, ut dum more suo alterius ulcus abstergeret, defluens inde tabum generosè exfluxerit; aliàs verò putrescentem saniem ab eluto ulcere manantem ebiberit in sanitatem ulcerosi, quam iste sibi continuò sensit divinitus impertitam. Reliqua admiranda demissi animi, cæterarumque virtutum exempla, proposita nobis brevitatis silentiô cogit premere. Illud obiter addendum, quod Sacra Rituum Congregatio approbavit, & Lectionibus Officii de S. Xaverio inferi mandavit Alexander VII. *Franciscum interdixit sibi non carnis solum, & vini, sed panis quoque triticei usu, vilibus cibus (quales expe- tit humilitas) vesci solitus, per biduum subinde, triduumque omni prorsus alimento abstinebat, ferreis in se flagellis ita sæviebat, ut sæpe copioso cruore difflueret: somnum brevissimum humi jacens carpebat, duro saxo aut funibus nauticis interdum capiti substratis: cujus creberrimæ inter dormiendum aspirationes erant: O JEsu! mi JEsu! dulcis JEsu! o Creator mi! ut dubitares, plusnè oraret, an dormiret? dicere certè poterat illud Can- ticorum: Ego dormio, & cor meum vigilar.*



## CAPUT VII.

### S. XAVERII PRODIGIOSA POTESTAS IN OMNIA ELEMENTA.

**Q**uod si jam virtutum Apostolicarum nomine prodigia patrata intelligas; calamus, & lingua narrantem deficiet. Illud compendiò dixerim de Xaverio, quod Philo de Moyse: *Omnia elementa obediebant ei.* Obediebat Ignis; quando ad crucis signum & vocem Xaverii domorum incendia modò extincta, modò ulterius serpere sunt prohibita. Obedivit àër, quando venti ad ejus imperium nunc quiescere, nunc ad propellendam secundis flatibus classem vocati, assurgere sunt coacti: quando rebellem Christo, & Lusitanis Civitatem Tolo, immisâ cælitus lapidum, ac cinerum grandine, atque exinde repletis vallis, attritisque aggeribus còegit per deductionem in obsidentium Christianorum vota descendere: quando sacrum ejus corpus infectum peste àërem, odore suo perpurgavit. Obedivit aqua; quando ad Xaverii imperium mare tumentes fluctus confregit, & sedatis tempestatibus sua Neptuno redière alcedonia: quando tantum aquæ marinæ solo crucis signò, sublatâ sulfugine convertit in dulcem, quantum quingentis Vectoribus, siti penè jam ad mortem ada-

ctis,

ctis,  
que p  
que l  
paran  
captu  
pisciu  
quanc  
tùm  
gore  
stinat  
salubr  
corpo  
ciscus  
blime  
sacrifi  
evenit  
nalis  
tim n  
virgit  
inter  
ac ve  
post  
mans  
omne  
præro  
vigil  
vehem  
etiam  
tasma  
è nar



ESTAS

licarum  
telligas;  
em defi-  
e Xave-  
elementa  
ando ad  
omorum  
ulterius  
vit àér,  
unc qui-  
secundis  
sunt co-  
Lusitanis  
lapidum,  
e repletis  
per de-  
ianorum  
ejus cor-  
suo per-  
o ad Xa-  
ctus con-  
Neptuno  
um aquæ  
sulfugine  
uigentis  
tem ada-  
ctis,

ctis, diu suffecit ad delicias: quando deni-  
que piscatores, post improbos frustraneos-  
que labores, abitum præ desperatione jam  
parantes, sua retia denuo jussit laxare in  
capturam, conclusâ ingenti multitudine  
piscium. Obedivit quoque Xaverio Terra;  
quando ad ejus imperium immanè quan-  
tùm dehiscens atque contremiscens, fra-  
gore suo sceleratos ad pœnitentiam, & ob-  
stinatos Gentiles ad exuendam perfidiam  
salubriter concussit. Amplius autem in  
corpore suo terreo admirandus est Fran-  
ciscus, quod pluribus à terra cubitis in su-  
blime quandoque apparuit, id quod illi  
*sacrificanti coram populi multitudine aliquoties  
evenit: quod stimulis concupiscentiæ car-  
nalis omnino immune (inter illos præser-  
tim nudos, ac bestiales homines) perpetuò  
virginitatis flore intaminatum viruit; quod  
inter tot ærumnas, verbera, insidias, pestes  
ac venena, semper inoffensum valuit; &  
post mortem penitus usque ad hunc diem  
mansit incorruptum. Virginitati, per  
omnem vitam à Xaverio servatæ, hæc fuit  
prærogativa; cujus amore non tantùm  
vigil ab omni impuritatis umbra quàm  
vehementissimè semper abhorruit, verùm  
etiam dormiens, cum ei fortè turpe phan-  
tasma sopor objiceret, usque ad sanguinis,  
è naribus erumpentis profluvium, pro tu-  
enda*

B3



enda castitate repugnavit; & vel suo virgineo sanguine impudenti Veneri ruborem ir.ussit. Sed & in brutas animantes imperium exercebat Xaverius; quando in litore oranti, Christi crucifixi signum (quod quadraginta ab inde leucis, ad sedandam tempestatem in mare projecerat) obsequiosus cancer retulit, acceptaque benedictione maris profundum rursus repetiit. Exercebat denique Franciscus imperium in daemones, quos ex obsessis corporibus expellebat, quotquot occurrerent: qui etiam, dum Vir DEI Insulam Moro primum pro concione alloqueretur, eique Christum annuntiaret; concussâ & in hiatus disruptâ terrâ, flammarum instar, visibili specie evolantes inconditis ejulationibus, ac rugitibus fugari se vociferabantur, auditi etiam à Gentilibus per aërem clamare: *Tu nos peruris Francisce! tu nos è regno nostro pellis.*

## CAPUT VIII.

S. XAVERIUS ÆGRORUM MEDICUS,  
ET MORTUORUM SUSCI-  
TATOR.

**S**ed neque defuit Francisco prerogativa conferendæ sanitatis. Fuit è Sociis unus, quem cum morte jam luctantem, ceredque mortuali in manibus ardente sibi-



no vir-  
borem  
es im-  
in lit-  
(quod  
andam  
osequi-  
dicti-  
t. Ex-  
um in  
us ex-  
etiam,  
um pro  
aristum  
isruptâ  
ie evo-  
rugiti-  
etiam  
Tu nos  
bellis.

ICUS,  
-

ogativa  
Sociis  
antem,  
ardente  
sibi-

sibimet ad ingrediendum æternitatis iter  
prælucentem, solo amplexu continuò sani-  
tati restituit. Fuit alius lethaliter vulne-  
ratus, qui humeris Francisci impositus,  
subitò incolumis exsiliit. Fuit leprosus,  
cui simul ac eum abluir, lepram & ulcus  
absterisit. Fuit Malacæ Episcopus, qui du-  
cturus ad calculum miracula sanitarum à  
Xaverio redditarum, tantum in sua Dice-  
cesi, octingentis subitò recensitis, destitit;  
quòd animadverteret laborem suum impa-  
rem fore tantæ copię. Fatentur id cæci,  
quibus visum; & claudi, quibus gressum  
reddidit; ut dicere posset cum Jobo:  
*Oculus fui cæco, & pes claudò.* Fatetur In-  
dia, ubi non modò ipse, sed & ejusdem  
sacri crines, cingula, flagella, rosarium,  
chirographum, suggestus, oleum ex ejus  
lampade desumptum; imò & aqua, ejus  
Numismate imbuta: & quod amplius est,  
ipsius etiam umbra, innumerabiles ægro-  
tos persanavit. Dabit ipsemet gloriam  
DEO, & fatebitur Franciscus, qui ubi fu-  
nibus cilicinis brachia, & costas (ardore se  
mortificandi admirando potiùs, quàm imi-  
tando) arctissimè constrinxisset, exindèque  
periculò, & incurabili vulnere laboraret,  
desertus à Medicis, oratione factâ, seipsum  
momentò restituit valetudini. Verum  
quid in sanitate tot agris reddita hæremus



attoniti? quin potius mortuos ad vitam à Xaverio resuscitados obstupeſcimus? quorum cerrè tantus eſt numerus, ut ad certos calculos necdum omnino potuerit revocari, quos ille partim jam ad tumulum deferendos, partim jam dies aliquot in terram deſoſſos vitæ reſtituit. Reduxit in lucem Servus DEI miracula jam olim à Chriſto Domino patrata; quando Regulus quipiam gentilis Xaverio ſupplex factus, rogabat, in domum ſuam ut deſcenderet, vitamque filiolæ demortuæ reſtitueret, cui Xaverius: *abi in domum tuam; filia tua vivit*, diſceſſit hoc tam ſicco reſponſo ſuboffenſus Regulus; ſed mox ab obvio famulitio de reſtituta vivis filia recreatus, miraculum ubique deprædicavit. Expoſtulabat alia nobilis Matrona confidenter cum Francisco, velut quondam Martha cum JESU: *Pater, ſi fuiſſes hîc, filia mea non fuiſſet mortua*, cui ille: *confide, filia tua vivit*, at illa replicans: & *quî (inquit) hoc fieri poteſt, cû jam æriduò ſit ſepulta?* ſed fidem dicto fecit Franciſcus, quando deductus ad ſepulchrum, apertò tumulò, redivivam Matri filiolum reſtituit; Spectatoribus hujus prodigii præ gaudio & ſtupore tantùm non exanimatis. Combaturi, Oppido non ignobili, adoleſcentulus in puteum prolapſus, & aquis hauſtus,

hau  
vero  
inau  
Vir  
volu  
verb  
Chri  
fuer  
ſepu  
duo  
hen  
vivo  
fide  
nibu  
ad v  
ſunt  
imp  
Ger  
ciſc  
DE  
ſe,  
ſerv

S.

A.



haustus, jam jam humandus erat, Matre  
 verò à Francisco, de quo tanta prodigia  
 inaudierat, cum lacrymis opem implorante  
 Vir DEI coram sarcophago in genua pro-  
 volutus, apprehensâ puerili manu, his cum  
 verbis compellavit: *In nomine Domini Jesu*  
*Christi surge!* illico resedit adolescens, qui  
 fuerat mortuus ac surrexit. Alium pridie  
 sepultum, è tumulo erui jussum suscitavit:  
 duos item alios, dum efferrentur, appre-  
 hensâ eorum manu, parentibus è feretro  
 vivos restituit. Verbò, sunt homines omni  
 fide dignissimi, qui authenticis narratio-  
 nibus viginti quinque mortuos à Xaverio  
 ad vitam revocatos jurejurando contestati  
 sunt. Quò tam stupendò in jura naturæ  
 imperio usque adeo fuere attoniti quidam  
 Gentilium, ut cum tremore coram Fran-  
 cisco in genua sint provoluti, illum pro  
 DEO adoraturi; nisi sancti Viri, hominem  
 se, & quidem peccatorem, veri tamen DEI  
 servum profitentis, modestia prohibuisset.

## CAPUT IX.

### S. XAVERIUS IN MARI PERICLI- TANTIIUM PATRONUS.

**A**postolicis gratiis meritò D. Paulus  
 annumerat *Opitulationes*, seu auxilium  
 ardentè advolans in proximorum



subsidia. Omnis porrò Xaverii vita in hunc unicum scopum collimavit, ac desudavit; quam (ut sileam domum, parentelam, patriam, consanguineos, amicos, & totam denique Europam, quæ omnia impellente animarum zelò deseruit) totam ipse subsidio vel ignorantium & peccatorum, vel pauperum & oppressorum, vel ægrotorum, & periclitantium plenè consecraverat: adeò, ut cum adesse singulorum necessitatibus ubique non posset, divinò in munere mortalibus alioquin inconcessò, sæpe uno eodemque tempore pluribus in locis (& ut ajunt Philosophi, *replicatus*) visibiliter comparens, omnium, suam opem implorantium, calamitati sublevandæ occurreret. Procul absens à quodam naufrago invocatus, momentò præsentem se stitit, totòque triduò natanti adstetit, donec consumptis cæteris naufragis, unicus ille tabulæ beneficiò desideratum portum salvus contingeret: eòdem portentò decem aliis in malè compacta, & de interitu periclitante navicula invocatus, repentè præsens, adfuit, salvosque è manifesto periculo eduxit. Cujus rei famâ divulgatæ longe plus spei capiebant nautæ ex laceris ac ruinosis navigiis, quibus præsens adforet Xaverius, quàm ex integris, omnique ad navigandum apparatu bellè

in-

instru  
solutò  
comp  
verius  
tanus  
eam  
in qu  
demo  
ata n  
minen  
rat;  
Franc  
pulum  
pulus  
transi  
cibus  
brach  
millia  
Goâ  
bûs t  
rebus  
ad in  
& flu  
redit  
num  
anis,  
nosur  
rit.



instructis: mercimonia magnò ære persolutò, etiam à Gentilibus in eas naves comportabantur, quibus vehebatur Xaverius: imò Mercator quidam Mahometanus in lucro reposuit, duplicato naulò, eam pro suis mercibus navim conduxisse in qua vehi noverat Xaverius. Sacra demortui Apostoli ipsana malè materiata navis fortè deferebat, jamque ab imminente scopulo grandis metus incubuerat; cùm ecce inclamatus à Navarchis Franciscus effecit, ut non navis ad scopulum allisa; sed, quod stupendum, scopulus ipse bifariam diffractus, securum transitum faceret navi, tam sacris mercibus onustæ. Cumque sacrum ipsius brachium, quo tot centena hominum millia per baptismum cælo initiavit, Goâ Romam deveheretur, implacabilibus tempestuosum mare exarsit furiis, rebus jam penè omnibus conclamatis: ad invocationem tamen Xaverii venti, & fluctus posuere ferociam, suâque mari rediit malacia. Quò factum, ut etiamnum à navigantibus non modò Christianis, verùm etiam idololâtris, pro Cynosura, & Patrono maris suspici cœperit.

CA-





## CAPUT X.

### S. XAVERIUS PATRONUS PESTE INFECTORUM.

**P**ræfatis miraculis, ad DEI majorem gloriam, Sanctique Xaverii honorem, addi possunt sequentia, jure tantò majore, quantò sunt recentiora: nè quis existimet, virtutem prodigiorum operatricem, tractu temporis, in Xaverio defecisse. Potami (Urbs est Calabriae in Italia sita) novissimis hisce temporibus Thaumaturgus noster innumeris cœpit coruscare prodigiis; quorum notabiliora ducenta & quadraginta duo, idoneis ac juratis testibus ritè firmata, ab Ecclesiastico foro illie recognita, conscripta, & proprio motu pro ampliando Sancti hujus honore typis vulgata, nuper vidimus, & cum admiratione legimus. Narratur ibi justo volumine, qualiter Divus Xaverius imploratus, omnis generis agris, à pestilenti febre, lepra, cancrena, epilepsia, cæcitate, paralyfi, apostematis, sanguinis profluvio, & id genus aliis periculosissimis morbis oppressis, malo licèt jam per complures annos radicato, & inveterato, medicam manum cœlitus attulerit: qualiter non pauci, quos jam supremus agon ad vitæ mortisque confinia deduxerat; quin & è vivis sustulerat,

lerat  
poste  
trium  
rum  
que  
jume  
idem  
sapiu  
liber  
fese  
narr  
priâ  
cont  
Imag  
ven  
cole  
com  
suav  
auxi  
ubio  
Pari  
nob  
feda  
sten  
sibi  
simi  
exit  
indi  
cele  
rero



lerat, sibi suisque incolumes sint redditi; posteaquam plurium horarum, imò etiam trium, quatuor, nonnulli quoque sex dierum spatiò inter vivos esse desierant. quodque omnem admirationem superat, etiam iumenta, & altilia, ut vaccas, gallinas, &c. idem Sanctus, pià simplicitate invocatus, saepius vitæ restituit. Malò genio obsessos liberavit; quibusdam agris spectabilem sese de cælis præbuit, rerum divinarum narrationibus eos consolando; manu proprià sudorem detergendo; agra membra contrectando, & ad miraculosam suam Imaginem in Ecclesia Potamiensi publicæ venerationi expositam, invisendam, pieque colendam; conceptaque vota adimplenda, comiter est adhortatus: nonnullos alios suaviter increpans, quòd se de ferendo auxilio non interpellassent. Nota est, & ubique gentium decantata Malacensium, Parmensium, Neapolitanorum, aliarumque nobilissimarum Urbium devotio, quâ ob sedatam ejus patrociniò atrocissimam pestem, in Patronum publico cum applausu sibi delegere Xaverium. Nota est Justissimi Cæsaris Ferdinandi III. (August. mem.) eximia pietas, qui S. Francisci Xaverii diem indictis publicis honoribus ab universa Aula celebrari voluit, ut eum Tutelarem mereretur: sciebat nimirum sacratissimus Imperator,

perator, *S. Xaverium*, etiam ex effato Gregorii XV. *esse Christiani Imperii Propugnatorem*. Certè paucis abhinc annis Græcii Styrorum, cum grassante peste Sacra D. Xaverii Icon publico cultui in templo R.R. Patrum Societatis JESU exponeretur; ab illa ipsa expositionis die (quod benè observandum) nulla omninò amplius persona atroci hoc malo est afflata. In cujus rei memoriam, simulque ob semper continuata hucusque nova prodigia, Templo suo extraordinarium, & perelegans Sacellum, sancto huic Sospitatori addidère præfati Patres; ut populi devotioni aliquatenus fieret satis. Quid Roma debeat suo Opitulatore Xaverio, fatetur ipsa sparsis per universam Europam S. Xaverii Iconibus æri incisis; quem nuper grassante inibi pestiferâ luce, centenos, ac centenos ab interitu prodigiosè vindicavit. Cujus proinde honori, Tempula & Ara complures passim excitantur; & Icones novis ac novis semper miraculis illustres, indies pinguntur, ærique incisæ excuduntur, non sine reciprocis, ac manifestis gratiis, quas DEUS honorem Servi sui promoventibus liberaliter reponeere consuevit.

CA.

QUA  
PO

M

xand.  
rum;  
Xave  
gube  
mos;  
sive  
quio  
gibus  
unive  
tio.  
viver  
Marc  
famâ  
versio  
Rom  
Paul  
rum  
præd  
(cuj  
scus)  
tur;





## CAPUT XI.

QUÆ PRINCIPUM, REGUM, AC  
PONTIFICUM DE S. XAVERIO  
EXISTIMATIO?

**M**agnum est, inquiebat Cornelius Tac.  
*regere urbes, ac provincias: sed majus  
animis imperare.* Et Curtius de Ale-  
xand. *Plus, inquit, laudo Imperatorem animo-  
rum; quàm regnorum.* Enituit hoc imperio  
Xaverius, in quo mira quædam potestas  
gubernandi, ac flectendi mortalium ani-  
mos; sive in communi vita cum populo,  
sive in regimine cum Sociis, sive in allo-  
quio cum Ecclesiasticis, Principibus, ac Re-  
gibus versaretur. Quapropter ad clavum  
universæ Societatis destinabatur ab Igna-  
tio. Paulus III. Pont. Max. Xaverii adhuc  
viventis sanctitatem mirificè suspiciebat.  
Marcellus II. desiderio videndi hominem,  
famâ miraculorum, & tot Gentium con-  
versione usque adeò celebrem, ex Indiis  
Romam ad tempus revocare decreverat.  
Paulus V. multis & eximiis virtutum, gratia-  
rum & miraculorum donis à DEO illustratum  
prædicabat. Rex Lusitanæ Joannes III.  
(cujus molimine Indias intrârat Franci-  
scus) illius nutum pro imperio veneraba-  
tur; cumque nunc *Angelum, nunc Sanctum*

DEI



*DEI* compellabat. Rex Amanguzii, & Rex Bungi (qui cum baptismo etiam Francisci nomen à Xaverio sibi imponi voluit) velut incarnatum DEUM, oracula fundentem, suspiciebant. Rex Travancoridis publicò edictò sanxerat, ut regnicolæ *Magno Patri* (sic Franciscum vocabat) non secus ac sibi magno Regi in omnibus obtemperarent: cujus honori etiam deinde Ecclesiam condidit, ac regali munificentia dotavit. Rex Tanoridis & Regina Ternatena dicentem pro concione Xaverium audire avidè desiderabat: felicius in hoc Rex ipse & Princeps de Firando, ac alii, qui sacrâ illius eloquentiâ permoti, calcatis idolis, manus Christo dedere, suòque exemplo multa subditorum millia fidei Catholicæ addidere. Verbo: præsens, absensque singulorum corda velut cerea, partes in omnes flectebat: ut proinde etiam Gentiles ejus honori Templum excitârint Cotadæ: in quo admirandum illud accidit, quòd, cum à petulantibus, & malevolis pro sublato oleo aqua infusa fuisset lampadibus, aqua non secus, quàm oleum ardere perrexerit: imò cum aquam ipsam, & lychnos sacrilegi illi mutarent; lychni arcanâ quâdam vi reaccendebantur. Simile ferè deinde accidit Goæ ad Sancti sepulchrum, ubi trispithamalis candela

con-

cont  
fectil  
anim  
arma  
perci  
fuga  
Pont  
Regi  
Si cor  
cor m

S. X

I  
nte  
pe  
ga  
donò  
obstu  
matis  
ximo  
Orien  
respo  
nequ  
quanc  
gent  
guâ  
item  
nes u



continuos octodecim dies, ac noctes indefectibiliter arsit. Quid demum in omnium animorum regimine majus, quam totos armatos barbarorum exercitus, severò supercilio, & gravi oratione in metum ac fugam agere? egit (uti quondam Leo Pontifex) Xaverius. Ut adeò cum Psalte Regio pro tessera usurpare potuerit illud: *Si consistent adversum me castra, non timebit cor meum: quoniam tu mecum es.*

## CAPUT XII.

### S. XAVERIUS DONO LINGUARUM PRÆDITUS.

**I**nter cætera Divini Spiritus dona, non postremum ponit D. Paulus *Genera linguarum*. Quàm verò hoc linguarum donò illustris fuerit Xaverius, novit India, obstupuit Japonia. Centum diversis idiomatis (quorum triginta difficillima, & maximopere inter se dissidentia) loquebatur Oriens; totidem linguis DEO propitio respondebat, & colloquebatur Xaverius, neque hic sistebat profusa DEI gratia: sed, quandoque unico idiomate ad diversas gentes concionantem, unaquæque suâ linguâ loquentem audivit. Ad multorum item difficillimas, ac dissimillimas quæstiones unicâ responsione simul omnibus satisfaciebat.





faciebat. Ita de Xaverio processus, auctoritate Ecclesiasticâ instituti: ita referunt quadraginta præclarissimi Scriptores, Cardinales, Episcopi, Canonici & Civilis Juris Doctores: quorum multi prætereà addunt, ex tot admirabilibus rebus gestis id consecutum esse Xaverium, ut tandem non Francisci, sed modò Angeli, modo Prophetæ, modo magni Patris, modo mortuorum resuscitatoris, modo Sancti, modo Apostoli nomine compellaretur. Tot tamen inter gloriosos titulos, ex unanimi totius Christiani Orbis consensu, Summorum etiam Pontificum suffragio, & approbatione, primus obtinuit elogium *Indiarum Apostoli*. Quò hodieque omnium ore salutatur S. Franciscus Xaverius. Neque immeritò; namque, ut suprà Gregor. XV. *nihil minùs à magnis fecit Apostolis*.

## CAPUT XIII.

S. XAVERII MINIMA DE SEIPSO,  
MAXIMA DE S. IGNATIO OPINIO.

**P**lacuit hoc Caput attexere, tum ut humillimi Xaverii minima de se opinio, sparsim insinuata, ampliùs innotescat; tum etiam, ut omnes intelligant, quantus Sanctus sit Ignatius, quem charissimus ejus filius Xaverius, tantis à DEO illustratus

gra-

grati  
tium  
mus  
rit X  
ab I  
per t  
viaru  
rum  
pote  
tissim  
dien  
Rode  
Quod  
posse  
rogar  
inju  
obse  
tum  
ret, c  
ejusc  
1552  
tua /  
Parr  
region  
paul  
obsequ  
riam



gratiis, tanti aestimavit. Eâ igitur in Ignatium observantiâ erat Xaverius, ut minimus ejus nutus pro maximo præcepto fuerit Xaverio: hinc ad unicam literam I. sibi ab Ignatio scriptam, ex ultimo Oriente, per tot millena milliaria, & longè plura viarum discrimina, ex tam sæcunda animarum messe, quâ nihil in mundo optatius esse poterat Xaverio, in Europam redire paratissimus erat; non ignarus: *meliozem esse obedientiam, quàm vestimam.* Hinc ad P. Simon. Rodericum aliquando Romam ita scripsit: *Quod attinet tuam in has oras profectiorem, si id possent vires tuæ, ultrò te invitarem, multumque rogarem; si tamen id P. Ignatius probaret: Pater enim noster est, cui obedire nos oportet, nec ejus injussu vel pedem movere fas est.* Ex eadem observantia, animique demissione profectum est, ut sese prorsus indignum reputaret, qui Fratribus suis præfesset; uti patet ex ejusdem Libri 5. Ep. 17. ad S. Patrem, Anno 1552. Cocinò data: *Videat, inquit, quid agat tua sancta Charitas, dum tam sanctas animas Patrum, ac Fratrum Societatis, qui in his degunt regionibus, gubernationi meæ subjeccis.* Et post paulò addit: *Per studium, quo ardenti flagras, obsequendi DEO Domino nostro, unam à te gratiam peto, quam (si præsens essem) positis humi,*



ante tuos sanctos pedes genibus, supplex roga-  
rem; ea autem est, ut mittas huc Virum aliquem  
Rectorem præficiendum Collegio Goano, &c. Et  
revera eâ humilitate erat Xaverius, ut non  
solum S.S. Eucharistiam flexis genibus di-  
stribueret; sed eodem etiam ritu literas ad  
Ignatium exararet; id quod ex Epistolâ An.  
1549. 14. Januarii Cocinò ad Ignatium Ro-  
mam data, est manifestum. Hæc ita habet:  
*Te ego, Pater animæ meæ, summeque mihi vene-  
rande, positus humi genibus (sic enim hanc Episto-  
lam tibi scribo, tanquam si præsentem intuerer)*  
*suppliciter oro, ne Deum pro me in sanctis Sacri-  
ficiis tuis, ac precibus obsecrare desistas: ut, dum*  
*vita suppeditat, sanctissimæ voluntatis suæ mihi*  
*det & planè agnoscendæ, & omninò exequendæ*  
*facultatem. Ubi Ignatium non aliter, quàm*  
*Sanctum, & cœlitem invocat Xaverius.*  
*Magnum est, inquit D. Bernardus, honorata*  
*humilitas! & hoc est, quod (in Lect. Off. de S.*  
*Xaverio) ponderâsse videtur Alexander VII.*  
*dum ait: Et cum tam magna pro DEO ageret*  
*Xaverius, erat eâ humilitate, ut S. Ignatio, tunc*  
*Præposito suo, flexis genibus scriberet. Nove-  
rat nimirum, & quidem non perfunctoriè,*  
*Ignatium Xaverius; in eoque Sanctum, &*  
*grandem Sanctum venerabatur: hinc eum*  
*adhuc viventem veluti canonizat, dum li-*  
*teris*

teris  
epig  
Igna  
In q  
tii li  
Igna  
adje  
temp  
in su  
rius;  
illic c  
descri  
poris  
me se  
&c.  
studie  
conju  
missi  
sanct

MO  
A  
maxim  
ingent





teris ad eum Cocinò scriptis hanc apponit  
 epigraphen: *A my en Christo Santo Padre  
 Ignatio: Meo in Christo Sancto Patri Ignatio.*  
 In quibus literis enumerat solatia ex Igna-  
 tii literis percepta; potissimum verò ex iis  
 Ignatii verbis, quæ ad literarum calcem  
 adjecerat: *Totus tuus; adeò, ut nullo unquam  
 tempore oblivisci tui possim, Ignatius.* Quæ verba  
 in sua epistola ponderat, æstimatque Xave-  
 rius; ac tandem ita concludit: *Quæ ego, ut  
 illic cum dulcissimis lacrymis legi, ita & flens hîc  
 describo; revocans suavissimam memoriam tem-  
 poris elapsi, & illius sinceri ac sancti amoris, quo  
 me semper amplexus, nunc quoque persequeris,  
 &c.* Ex quibus certè (ut plura brevitatis  
 studiò præteream) & tenerrima animorum  
 conjunctio, & profundissima Xaverii sub-  
 missio, & ingens Viri sanctissimi de Ignatii  
 sanctitate æstimatio satis liquet.

## CAPUT XIV.

### MORBUS ET OBITUS S. XAVERII.

**A**nno tandem 1552. hic verè Sanctus &  
 electus DEI, novarum Gentium Aposto-  
 lus, qui pro animarum salute innumeros  
 maximosque labores, atque ærumnas perpeffus,  
 ingentia terrâ marique pericula subivit (Urba-  
 nus



nus VIII.) *mortuorum suscitacione, & prophetia gratiâ toto Orbe conspicuus* (Alexander VII.) 20. Novembris, in nova expeditione, quam zelô animarum impulsus pro annuntiando Chinis Christi Evangelio susceperat, peracto piissimè sanctô Missæ Sacrificiô, mortiferâ febri est prostratus; quâ magis, magisque in dies fractus, tandem die 2. Decembris, eâ ipsâ horâ, quâ Salvator mundi in cruce, expiravit; *gravissimis pro fide Catholicâ laboribus consummatus*, (Martyrol. Roman.) prænuntiatio suô obitu, in Sanciano Chinarum Insula, paupere Lusitani casâ exceptus, omnique humanô solatiô destitutus, delicias suas JESUM ac MARIAM identidem inclamans, in vulnera Christi crucifixi, (cujus effigiem tenebat manibus) intuebatur oculis, ore dissuaviabat; sanctam animam exhalavit; & è terris in cælum evolavit; æternæ beatitudinis denarium accepturus, pro quo in excolenda apud barbaras illas Gentes Domini vineâ, toto decenniô, & mensibus aliquot indefessus operarius laboravit. Illud unum ægrè ferebat æger, naturali se morte extinguere, omnibusque votis expetitam Martyrii palmam sibi penè è manibus eripi. Quamvis & in hoc ad divinæ providentiæ rationes animum suum facilè composuit, ubi se tam eximiô DEI beneficio indignum reputavit.

Lusi-

Lusi-  
igno  
Fran  
cturi  
mult  
mira  
re,  
runt  
Urbe  
Quie  
ubi  
mult  
se ra  
III  
diem  
VI.  
omni  
spani  
Cruc  
visa;  
cruen  
mana  
per c  
stolat  
grave  
sangu  
labor  
sui c



Lusitani, ne tam pretiosus thesaurus in ignota tellure inglorius delitesceret, sacra Francisci ossa secum in Lusitaniam reventuri, demortui cadaver vivâ calce per multos menses bis obrutum, novô deinde miraculô penitus incorruptum, suavi odore, & recenti sanguine manans repere-  
runt: quod ubi Malacam delatum est, Urbem illam à sævissima peste liberavit. Quiescit nunc sacrum ejus corpus Goæ; ubi (quemadmodum & alibi) miraculorum multitudine, ac magnitudine omnium ad se rapit corda, & amores.

Illud nequaquam silentio premendum, diem, quo S. Xaverius obiit, fuisse Feriam VI. morte Christi sanctificatam; porrò omnibus ejusdem anni feriis sextis in Hispania, in paterna Francisci domo, Christi Crucifixi lignea effigies sanguinem sudare visa; ipso Xaverianæ mortis die sudorem cruentum reprimere cœpit, nec ampliùs manare deinceps. Eadem Crucifixi effigies per continuos decem annos Indico Apostolatui à Xaverio impensos, quoties is grave quid pateretur in Indiis, pariter sanguinem stillare consueverat; quasi vel laborum prænuntia, vel condolens Servi sui calamitati.





## CAPUT XV.

### S. XAVERII CANONIZATIO, ET ANNUA FESTIVITAS.

**Q**uoniam ergo (ut loquitur Paulus V. Pont. Max. Anno 1619.) *multis & eximius virtutum, gratiarum, & miraculorum donis à Domino illustratus fuit Xaverius, & novis,isque penè inauditis prodigiis indies coruscare pergebat, permoti sunt complures Imperatores, Reges ac Principes, totâ Christianitate celeberrimi; Episcopi præterea ac Prælati Indiæ in Synodo congregati; ut apud Romanam Curiam ejus Canonizatio procuraretur. Nihil hac postulatione optatius accidere poterat Paulo V. Pont. Max. quare mox instituti pro ejus Canonizatione processus: quæ tamen, Pauli V. morte interveniente, ad Gregorium XV. devoluta, totiusque Christianitatis applausu perfecta est, qui Franciscum Xaverium, ubique terrarum novis, maximisq; fulgentem miraculis (Alexander VII.) unâ cum Ignatio, Philippo Nerio, Theresia, & Isidoro, Sanctorum fastis solenni ritu adscripsit, die 12. Martii, Anno 1622. Ad cujus honorem, ac venerationem, ut Pontif. Max. mortalium animos tantò amplius inflammarer, omnibus utriusque sexûs Christi Fidelibus, qui ejusdem festo ritè expiati, & S.S. Eucharistiâ refecti, juxta consuetas*

sueta  
derin  
dulge  
vis au  
ejus t  
xandr  
Ad q  
idem  
citanc


In Sa  
è Socie  
fidelius  
miracu  
Spiritu  
laborib  
vit in l

Ex  
cilè a  
stiano  
Xaver  
lum)  
honora  
fiduci  
Thaur  
qui se  
peste,  
casu c

fueras intentiones pias ad DEum preces funderint, plenarias omnium peccatorum indulgentias in perpetuum concessit. Quamvis autem S. Xaverius 2. die Decemb. obiit, ejus tamen festivitas Anno 1663. ab Alexandro VII. in 3. Decembris translata est. Ad quem diem in Martyrologio Romano idem Sanctissimus per totam Ecclesiam recitandum, apponi jussit Elogium sequens:

In Sanciano Sinarum Insula Sancti Francisci Xaverii è Societate JESU Indiarum Apostoli, multitudine Infidelium, quos convertit ad Christum, & magnitudine miraculorum, præsertim in suscitandis mortuis, & Spiritu Prophetiæ toto orbe conspicui, qui confectus laboribus, pro fide susceptis, plenus meritis obdormivit in Domino.

Ex hoc vitæ Xaverianæ Compendio facile apparet, quem honorem à toto Christiano Orbe jure sibi vendicet S. Franciscus Xaverius: quem (Urbani VIII. est oraculum) *DEUS* adeò magnificavit, ut nomen ipsius honorabile fecerit apud omnes Gentes: quaque fiduciâ ad celeberrimum hunc Sanctum, ac Thaumaturgum recurrere possint ii omnes qui seu cum aliquo gravi morbo, seu cum peste, seu cum alio quovis adversæ fortunæ casu conflictantur.





# MOTIVA

## AD EXCITANDAM DEVO- TIONEM IN S. FRANCI- SCUM XAVERIUM.

1. **E**x Bulla Canonizationis, S. Xaverius adeò fuit divinâ incensus charitate, ut vultu aliquando inflammatus Angelicam prorsus charitatem repræsentaret: nec divini amoris perferre valens incendium, sæpius exclamaret: SATIS EST, DOMINE! SATIS EST!

2. Hoc amore dignus effectus est, ut multis & eximiis (verba sunt Pauli V.) virtutum, gratiarum, & miraculorum donis fuerit à DEO illustratus.

3. Ad proximum verò ita incendium hoc se effudit, ut dixerit aliquando Gregorius XV. Xaverius nihil minus à magnis fecit Apostolis.

4. Nam, ut loquitur idem Gregorius: Unus Xaverius plures submisit Ecclesiæ, quàm suo Romani, Græcique subdiderint Imperio.

5. Unde gravissimorum virorum constans est effatum: Unâ solius Xaverii operâ plures Gentilium ad ovile Christi esse adductos, quàm omnes hæresarchæ simul sumpti abduxerint.

6.  
banus  
meros,  
pessus,  
Cui a  
vissimis  
esse.

7.  
DEU  
magnifi  
apud o

8.  
Xaveri  
gratia

9.  
culo:  
get mir

10.  
atum  
quam  
patroc  
obtinu  
peteba  
formic  
remun



6. Quare meritò Xaverium laudat Urbanus VIII. quod *pro animarum salute innumeros, maximosque labores atque arumnas perpessus, ingentia terrâ marique pericula subivit.* Cui addit Alexander VII. *Xaverium gravissimis pro fide Catholica laboribus consumptum esse.*

7. Quam ob causam S. Xaverium DEUS (ita loquitur Urbanus VIII.) adeò magnificavit, ut nomen ipsius honorabile fecerit apud omnes gentes.

8. Nam (verba sunt Alexandri VII.) *Xaverius mortuorum suscitatione, & Prophetia gratia toto orbe est conspicuus.*

9. Imò ejusdem Alexandri VII. oraculo: *ubique terrarum novis, maximisque fulget miraculis Xaverius.*

10. Denique ad magnam in hunc Sanctum fiduciam movere potest, experientia quamplurimorum, qui sincerâ ad ejus patrocinium fiduciâ recurserunt, aut eos obtinuisse, quod per hujus intercessionem petebant; aut dono tolerantiae & conformitatis cum Divina voluntate, fuisse remuneratos.







# DEVOTIONES VARIÆ,

QUÆ HONORI S. FRANCISCI XAVE-  
RII SUSCIPI POSSUNT.

**C**um observatum esset, tum annos, quibus D. Xaverius in excolendis Indiarum gentibus indefessè laboravit, fuisse omnino denos; tum diem ipsius obitus, qui erat 2. Decembris eo anno 1552. fuisse feriam sextam; tum etiam Supremo vitæ ipsius anno Crucifixi Imaginem in domo paterna quot diebus Veneris, usque ad diem obitus sanguinem sudasse; nata est, & non solum in Italia, ac Regno Neopolitano, sed etiam in Germania, aliisque locis, magno multorum cum fructu, & animæ solatio usurpata devotio, decem ordine dies Veneris honori ipsius celebres obeundi. Si quem ergo vel necessitas adurgeat, vel singularis cuiuspiam per intercessionem S. Xaverii obtinendæ gratiæ desiderium ad ejusmodi devotionem moveat, pauca quædam exercitia pia annecto, quæ feriis illis sextis, & decursu decem hebdomadarum usurpare possit.

1. Devotè confessionis, ac sacrae synaxeos Sacramenta obire.

2.

2.  
statu,

3.  
quisque  
confer  
Maria  
Oratio  
exigui  
ris spa  
vel le

4. S  
mo, &

5.  
posse,  
lem el

6. S  
rem d  
qui pl  
contur  
omni

7. D  
Sancti  
tiis, p  
infra p  
citant

8. H  
que re  
lare.  
habem  
Franci



NES

XAVE.

n annos,  
colendis  
sè labo-  
os; tum  
ecembris  
n; tum  
Crucifixi  
diebus  
guinem  
Italia, ac  
Germa-  
um cum  
devotio,  
ri ipsius  
vel ne-  
juspiam  
tinendæ  
otionem  
pia an-  
ursu de-  
it.  
æ syna-

2. Jejunio, aut aliâ leviori pro cujusque statu, ac posse, abstinencia corpus afflictare.

3. Ante Aram ipsius, aut iconem, quam quisque decenter in conclavi suo ornatam conservabit, decem Pater noster, & Ave Maria, & Gloria Patri, cum Antiphona, & Oratione infra scripta recitare. Nec res exigui fructus esset, si quis aliquod temporis spatium in illius Virtutum meditatione, vel lectione vitæ ejus impenderet.

4. Sacrum Missæ Sacrificium saltem primo, & ultimo die Veneris fieri curare.

5. Stipem pauperibus pro cujusque posse, si non corporalem, saltem spiritua-lem elargiri.

6. Super omnia illo die ad Divi honorem defectum aliquem specialem ex iis, qui plerumque solent magis animæ statum conturbare, & in via spiritûs officere, omni studio, contentioneque devitare.

7. Decursu illarum hebdomadûm, vitam Sancti cum piis præsentis opusculi exercitiis, præsertim verò dicta, ac documenta infra ponenda, & ad imitationem illius excitantia, perlegere.

8. Postremo summâ cum fiduciâ, magnâque resignatione optatam gratiam postulare. Etenim ipsa experienciâ compertum habemus, eos, qui cum fiducia se sub Sancti Francisci Xaverii patrocinium recipiunt, be-nigne



nignè exaudiri, ut saltem patientiam, & robur sese divinæ voluntati conformandi, reciperet, si ea, quæ petunt, non consequantur.

9. Ut se quis dignum tali gratiâ reddere valeat, tollenda sunt omnia spiritualis perfectus impedimenta, seriò devotioni, internæque culturæ animi cum frequenti discussione conscientiæ insisterendo.

10. Demum cum omni diligentia se in proximorum auxilio impendere; ut quivis juxta suum statum, in operibus misericordiæ corporalis, aut spiritualis ad S. Francisci Xaverii imitationem sese exerceat oretque pro conversione Gentilium, aliorumque peccatorum, recitando devotè sequentem precatiunculam, quam ipse Sanctus fecit, & frequenter solebat repetere.

**O** Jesu Christe, Deus cordis mei, obsecro te per quinque illa vulnera, quæ tibi in cruce nostri amor inflixit, famulis tuis subveni, quos pretioso sanguine redemisti. Turf. vitæ l. 5. c. 2.

## ORATIO ECCLESIAE DE S. XAVERIO.

*Antiph.* Euge serve bone, & fidelis, quia in pauca fuisti fidelis, supra multa te constituam, intra in gaudium Domini tui.

✠. Justum deduxit Dominus per vias rectas.  
✠. Et ostendit illi Regnum DEI.

*Ore-*

DEU  
ci  
sua tua  
tius,  
virtutu  
Domi

ORD  
HON

O  
dem d  
Comm  
pro An  
affici e  
ob cer  
cam pr  
Proder  
Corona  
sacro M  
tium,  
vitamq

Ad r  
rosarium  
poteris  
one:  
decies



*Oremus.*

**D**EUS, qui Indiarum Gentes Beati Francis prædicatione, & miraculis Ecclesiæ tuæ aggregare voluisti; concede propitius, ut cujus gloriosa merita veneramur, virtutum quoque imitemur exempla. Per Dominum nostrum Jesum Christum, &c.

**ORDINARIA PIA OPERA  
HONORI S. XAVERII USURPANDA.  
SINGULIS MENSIBUS.**

**O**pportunum fuerit singulis primis Feriis Sextis cujuslibet mensis sacre Synaxi accumbere, ac jejunium ejusdem diei stabile offerre DEO cum dicta Communionem ad honorem S. Xaverii, & pro Animabus purgatorii, quæ peculiariter affici erga hunc Sanctum consueverunt, nisi ob certas causas S. Communio in Dominicam proximè sequentem transferenda esset. Proderit etiam minimum semel in mense Coronam Beatissimæ Virginis recitare, & sacro Missæ interesse, supplicando pro Gentium, & peccatorum conversione, cui se, vitamque universam S. Xaverius impendit.

Ad memoriam annorum ætatis S. Xaverii rosarium 5. Decadum hoc modo contexere poteris, ut singulæ constent hac invocatione: *Sancte Francisce Xaveri ora pro me.* decies repetitâ; singulas autem distinguat sequens

*Ore-*





sequens precatiuncula: *Sancte Franciscæ Xaveri, rogo te amore Dei, impetra mihi verum Dei amorem, & inter frequentes actus amoris Dei, mortem felicem.* Demum Officium, & Litanix de Sancto Xaverio, quas vide infra, sæpius decursu Mensis pro cujusque devotione, & opportunitate recitari poterunt.

#### SINGULIS HEBDOMADIS.

**F**eriâ Sextâ cujuslibet hebdomadæ conducet invisere Templum, aut Sacellum, vel saltem Altare S. Xaverio dedicatum; recitando eo in loco decies Pater noster, & Ave Maria, & decies Gloria Patri, &c. in memoriam annorum decem, quos pro salute proximi in Indiis S. Xaverius impendit, factaque intentione orandi pro omnibus Sancti hujus Patroni honorem fideliter, ac sollicitè procurantibus.

Feriâ etiam sextâ, si opportunum fuerit, recitari poterit Officium de Sancto, & una ex infra ponendis Litaniiis.

#### SINGULIS DIEBUS.

**S**ingulis diebus licebit cuivis ter devotè pronuntiare sequentia: *Sancte Franciscæ Xaveri ora pro nobis, ut digni efficiamur promissionibus Christi.* Commodius fortè accidet ista dicere. Primò, cùm è lecto surrexeris. Secundò vespere, priusquam decumbas. Tertiò, horâ duodecimâ, quâ & Christus,



stus, & Sanctus tuus Patronus obierat. Præter orationem Ecclesiæ: *Deus, qui Indiarum Gentes, &c.* suprâ positam, aliqua ex infrâ ponendis orationibus, cum brevioribus de S. Xaverio Litanis quotidie pro cujusque devotione utiliter recitari poterunt.

# OFFICIUM SANCTI FRANCISCI XAVERII, SOCIETATIS JESU.



## INVOCATIO.

**F**RANCISCE, Mundi Gloria,  
Orbisque Lumen alterum:  
IGNATIO quem proximum  
Gradu secundo ponimus.

Audi Clientum carmina,  
Quæ mente gratâ pangimus:  
Et ora te canentium  
Aurâ favoris subleva.

Mens incaleseat spiritu,  
Illo incitata spiritu,  
Quo tu flagrabas unice  
Augere Christi gloriam.

D

Fac,



Fac, ut medullas pectorum  
Caelestis intret gratia,  
Quæ nos supernis sedibus  
Terris solutos asserat.

Sit Trinitati Gloria,  
Quæ per suum XAVERIUM  
Utrumque Mundi cardinem  
Novo replevit lumine. Amen.

### AD MATUTINUM.

Domine labia mea aperies.  
Et os meum annuntiabit laudem tuam.  
Deus in adiutorium meum intende.  
Domine ad adjuvandum me festina.

Gloria Patri, &c.

### HYMNUS.

**I**n flore vitæ Xavier  
Speretis honorum fascibus,  
Spebusque stirpis Patriæ  
Ad cæli amores vertitur.

Sacra calore Spiritus  
DEO parata victima,  
Ignatianis æstuans  
Totus liquefcit ignibus.

O vita JESU cordium!  
Fac, ut caduca deferens,  
Te, sorte quam concesseris,  
Mea mens requirat unicum!

*Antiph.* Egredere de domo tua, & de co-  
gnatione tua, & de domo Patris tui, &  
veni in terram, quam monstravero tibi.  
Gen. 12.

Ÿ.



Ÿ. Inveni filium Jesse, virum secundum  
cor meum. R. Qui faciet omnes  
voluntates meas. Actor. 13.

## OKEMUS.

DEUS, qui Evangelium Regni tui per  
barbaras Gentes, & reconditas nationes  
S. tui Francisci Xaverii prædicatione semi-  
nâsti, & ejus sanctitatem innumeris hæc-  
tenus miraculis decorâsti; concede, quæsu-  
mus, ut ejus memoriam agimus, etiam  
virtutes imitemur. Per Dominum, &c.

## AD LAUDES.

Deus in adjutorium meum intende, &c.

## HYMNUS.

Exegit omnem laudibus  
Amoribusque Numinis  
Inter secunda & aspera  
Vitæ diem XAVERIUS.  
Seu mane Sol assurgeret;  
Seu conderetur æquore;  
In ore DEUS infederat,  
In corde JESUS vixerat.  
Mea, DEUS, ô felicitas!  
Fac; ut (quod olim gestio,  
Amare te perenniter)  
Dum vivo totus ordiar!

*Antiph.* Quid mihi est in cælo, & à te, quid  
volui super terram? Deus cordis mei, &  
pars mea, Deus in æternum. Psal. 72.1

de co-  
tui, &  
ero tibi.  
Ÿ.

D:

Ÿ.





*Ÿ.* Laudabit usque ad mortem  
*R.* Anima mea Dominum. Eccl. 51.

*Oratio ut supra.*

## AD PRIMAM.

Deus in adjutorium meum intende, &c.

### HYMNUS.

**M**isertus orbis ultimi  
 XAVERIUS caliginem,  
 Ab Occidentis finibus  
 Emergit instar Cynthii.

DEUM ferebat pectore,  
 Feris docendum gentibus,  
 Apostolus, deperditæ  
 Iterum, futurus Indiæ.

JESU salus mortalium,  
 Ita fac amare proximum,  
 Ut ab hoc amore Curia  
 Adaugeatur Cœlitum!

*Antiph.* Ite Angeli veloces ad gentem expectantem, & conculcatam, cujus diruperunt flumina terram. Isa. 18.

*Ÿ.* Dedi te in lucem gentium.  
*R.* Ut sis salus mea usque ad extremum terræ. Isa. 49.

*Oratio ut supra.*

## AD TERTIAM.

Deus in adjutorium meum intende, &c.

### HYMNUS.

**M**iraculorum gloriâ  
 Apostolatus insulis

Et



Et gentium præconiis  
Ubique magnus Xavier.  
Suo tamen suffragio  
Postremus unus omnium  
Cujuslibet solatiis  
Se dedicat XAVERIUS.  
O qui superba conteris  
JESU humilium sublimitas!  
Tuo ex amore despici  
Fac, ut frequenter expetam!

*Antiph.* Ante Dominum, qui elegit me, vi-  
lior fiam, plus quàm factus sum, & ero  
humilis in oculis meis, & gloriosior ap-  
parebo. 2. Reg. 6.

Y. Omnibus omnia factus sum.

R. Ut omnes facerem salvos. 1. Cor. 9.

*Oratio ut supra.*

## AD SEXTAM.

Deus in adjutorium meum intende, &c.

### HYMNUS.

O Virginem XAVERIUM!  
Et sanguinis caloribus,  
Erroribusque gentium,  
Et somniis superstitem!  
Hinc castitas post funera  
Vetuit malam putredinem  
Intacta semper ipsana  
XAVERII contingere.



O Diva JESU puritas!  
O Matre nate Virgine!  
Da labe sine, me consequi  
Quâ ductor Agnus iveris.

*Antiph.* O quam pulchra est casta genera-  
tio cum claritate! Immortalis est enim  
memoria illius; quoniam apud DEUM  
nota est, & apud homines. Sap. 4.

Ÿ. Hi sequuntur Agnum quocunque ierit.  
R. Sine macula enim sunt ante thronum  
Dei. Apoc. 14.

*Orazio ut suprà.*

## AD NONAM.

Deus in adjutorium meum intende, &c.

### HYMNUS.

Vastæ remotas Indiæ  
Plagas obit XAVERIUS,  
Lojola sed vel literâ  
Si iusseris; revertitur.  
Nec sol, utut promptissimus,  
Vel stare, vel recurrere  
Volente jussus Numine,  
Talis resorbet orbitam.  
Exordientem Nominis  
Agnosco JESU literam:  
Opto per hanc cum legibus  
DEI placita decurrere!

*Antiph.* Audi fili mi disciplinam Patris tui,  
& ne demittas legem Matris tuæ, ut ad-  
datur

dat  
tuo  
Ÿ. In  
R. U  
me  
Ora

Deus

F  
C  
E  
P  
F

M  
C  
T

*Antiph.*  
pian  
dine  
illi  
Ÿ. Ni  
R. Ni  
rum  
Ora



datur gratia capiti tuo, & torques collo  
tuo. Prov. 1.

Y. In capite libri scriptum est de me.

R. Ut facerem voluntatem tuam DEUS  
meus. Psal. 39.

*Oratio ut supra.*

## AD VESPERAS.

Deus in adiutorium meum intende, &c.

### HYMNUS.

Cecidère monstra Tartari,  
Idola pulsa gentium,  
Fide instituti Japones,  
Chinæ reclusa littora.

Vicena quin & funera  
Et quinque viræ reddita:  
Pulsis tot orbe pestibus  
FRANCISCE Numen evocat.

JESU laborum præmium,  
Mercede major maximâ  
Conando quidquid gesserô:  
Te, Te in coronam postulo.

*Antiph.* Cum ipso sum in tribulatione, eri-  
piam eum, & glorificabo eum: longitu-  
dine dierum replebo eum, & ostendam  
illi salutare meum. Psal. 90.

Y. Nimis honorati sunt amici tui DEUS.

R. Nimis confortatus est principatus eo-  
rum. Psal. 138.

*Oratio ut supra.*





## AD COMPLETORIUM.

*V.* Converte nos DEUS salutaris noster.

*R.* Et averte iram tuam à nobis.

Deus in adjutorium. &c.

### HYMNUS.

**F**RANCISCE jam cœlestium  
Divis recepte sedibus,  
Dignare te colentium  
Piis adesse mentibus.

Omnem per orbem gloriæ  
Tuæ eriguntur symbola,  
Per te impetratæ gratiæ  
Ubique stant insignia.

Eous, & Septemtrio,  
Meridies, & Occidens,  
Et iste, & ille plurimis  
Tibi calet clientibus.

O perditorum temporum  
FRANCISCE spes amplissima,  
Orbis Pater novissimi,  
Patrone, Lux, Apostole.

Silve! tuoque lumine  
Tuos serena supplices:  
Fac mundus omnis ardeat  
Divini amoris Numine.

— Fides ut una gentium:  
Fines inundet omnium:  
Ut una pax cœlestium  
Cor jungat & terrestrium.

*Antiph.*

*Antiph.*

*Ifr.*

*un.*

*V.* C

*R.* U

*Ch.*

*Or.*

**AD**

*Quas I*

*Episc. S*

*à Conf*

*ruinas*

*rudinis*

*rec*

**K**

*Pater*

*Fili F*

*Spiri*

*Sanct*

*Sanct*

*Sanct*

*Sanct*

*Sanct*



M.  
nofter.

*Antiph.* Hic est fratrum amator, & populi  
Iſràël, qui multum orat pro populo, &  
univerſa ſancta Civitate. 2. Mach. 15.

*V.* Ora pro nobis S. Franciſce Xaveri.

*R.* Ut digni efficiamur promiſſionibus  
Chriſti.

*Oratio ut ſuprà.*

## LITANIÆ AD SANCT. FRANCISCUM XAVERIUM.

*Quas Illuſtriſſimus Dominus, D. F. Caſparus de Villaróel,  
Epiſc. S. Jacobi Chilendiſis, & Regiæ Hiſpaniarum Majeſtatis  
à Conſiliis, in honorem Sancti (quod ejus patrocinio inter  
ruinas ex terræ motu jam ſepultus, ſalvus evaſerit) grati-  
tudinis ergò concinnavit ipſe, & ſtatim ex voto diebus  
recitavit; ac deinde in publicum aliorum bonum  
typis ebulgaſit.*

**K**yrie eleiſon. Chriſte eleiſon.

Kyrie eleiſon.

Chriſte audi nos. Chriſte exaudi nos.

Pater de cælis DEUS, Miſerere nobis.

Fili Redemptor mundi DEUS, Miſerere.

Spiritus Sancte DEUS, Miſerere nobis.

Sancta Trinitas unus Deus, Miſerere nobis.

Sancta MARIA, Ora pro nobis.

Sancta DEI Genitrix, Ora pro nobis.

Sancta Virgo Virginum, Ora pro nobis.

Sancte Pater IGNATI, Ora pro nobis.

D5

Sancte

*Antiph.*



Sancte FRANCISCE XAVERI, dignissi-  
 me, & dilectissime Fili S. P. Ignatii,  
 S. Franc. Xaveri Indiarum Apostole,  
 S. Franc. Xaveri Evangelizans pacem,  
 S. Franc. Xaveri Evangelizans bona,  
 Vas electionis portans nomen JESU  
 coram gentibus,  
 Vas redundans Divinæ Charitatis,  
 Firmamentum Orientis Ecclesiæ,  
 Propugnator Fidei,  
 Impugnator infidelitatis,  
 Prædicator Evangelicæ veritatis,  
 Idolorum Destructor,  
 Electum à Patre æterno Instrumentum  
 propagandæ Divinæ gloriæ,  
 Fidelis imitator, & Socie JESU Christi  
 Filii DEI,  
 Tuba resonans S. Spiritûs,  
 Columna Templi DEI,  
 Lux Paganorum,  
 Magister Credentium,  
 Speculum veræ pietatis,  
 Dux in via virtutum, & Christianæ per-  
 fectionis,  
 Exemplar Apostolici Spiritûs, & sancti-  
 tatis,  
 Lumen cæcorum,  
 Pes claudorum,  
 Auris surdorum,  
 Auxiliator naufragantium,

Ora pro nobis.

Ora pro nobis.

Salus

Salus  
 Fugato  
 Suscita  
 Cujus  
 pesti  
 Cujus  
 men  
 Prodig  
 Refug  
 Gaudi  
 Orient  
 Pignus  
 & g  
 Taber  
 Ærari  
 Gloria  
 Legato  
 Paupe  
 Castiss  
 Obedi  
 Humi  
 Crucis  
 cup  
 In sal  
 ver  
 Suavin  
 Glorie  
 Anim  
 ard  
 Angel



Salus ægrotantium,  
Fugator Dæmonium,  
Suscitator mortuorum,  
Cujus potestati obediunt mare, & tem-  
pestates,  
Cujus imperia venerantur universa ele-  
menta,  
Prodigiorum Thaumaturge,  
Refugium miserorum,  
Gaudium afflictorum,  
Orientis splendor,  
Pignus resurrectionis ad vitam gratiæ,  
& gloriæ,  
Tabernaculum incorruptionis,  
Ærarium Divini Amoris,  
Gloria Societatis JESU,  
Legate Apostolicæ Romanæ Sedis,  
Pauperrime Xaveri,  
Castissime Xaveri,  
Obedientissime Xaveri,  
Humillime Xaveri,  
Crucis Christi, ac laborum pro Christo  
cupidissime Xaveri,  
In salutem proximi vigilantissime Xa-  
veri,  
Suavissime Xaveri,  
Gloriosissime Xaveri,  
Animarum & Divini honoris zelator  
ardentissime,  
Angele moribus, & vitâ,

Ora pro nobis.

Ora pro nobis.

Pa-

Ora pro nobis.

Ora pro nobis.

Salus





Patriarcha affectu, & studio curandi  
 populum DEI,  
 Propheta dono, & Spiritu,  
 Apostole dignitate, & merito,  
 Doctor gentium potens in multifario  
 sermone, & opere,  
 Confessor virtute, & vitæ professione,  
 Virgo animò, & corpore,  
 In quo uno Sanctorum omnium merita  
 ex Divina benignitate veneramur,  
 Agnus DEI, qui tollis peccata mundi, Par-  
 ce nobis Domine.  
 Agnus DEI, qui tollis peccata mundi, Exau-  
 di nos Domine.  
 Agnus DEI, qui tollis peccata mundi, Mi-  
 serere nobis Domine.  
 Christe audi nos. Christe exaudi nos.  
 Kyrie eleison. Christe eleison.  
 Kyrie eleison.

*Pater noster, &c.*

V. Ora pro nobis S. Franciscæ Xaveri.  
 R. Ut digni efficiamur promissionibus  
 Christi.

OREMUS.

**D**EUS, qui glorificantes te glorificas, &  
 in Sanctorum tuorum honoribus hono-  
 raris: concede propitius, ut, qui B. Fran-  
 cisci Xaverii Confessoris tui gloriosa meri-  
 ta colimus, ejus pia patrocinia sentiamus.  
 Per Dominum nostrum, &c.

LI.

Ora pro nobis.

LIT

D

K

Sancte

Aposto

(Pa

S. Xav

grati

Don

S. Xav

quã

Christi

Qui n

stoli

Qui pl

Ron

Cujus i

raru

Gloria

dore

Novar

toti

ritò

Qui p

max

perp

peri

# LITANIÆ BREVIORES

DE S. FRANCISCO XAVERIO.

*Ex solis Summorum Pontificum Oraculis.*

**K**yrie eleison. Christe eleison.  
Kyrie eleison.  
Christe audi nos. Christe exaudi nos.  
Sancte FRANCISCUS XAVERI,  
Apostolicæ S. Romanæ Sedis Nuntie,  
(*Paulus III. A. 1540.*)

S. Xaveri multis, & eximiis virtutum,  
gratiarum, & miraculorum donis à  
Domino illustrate, (*Paul. V. A. 1619.*)

S. Xaveri Vir Cælitibus magis similis,  
quàm mortalibus,  
Christiani Imperii Propugnator,  
Qui nihil minus à magnis fecisti Apo-  
stolis,

Qui plures submisisti Ecclesiæ, quàm suo  
Romani, Græciq; subdiderint imperio,  
Cujus ingenti animo angustus orbis ter-  
rarum fuit, (*Gregor. XV. A. 1622.*)

Gloriâ sanctitatis, & meritum splen-  
dore præcipuè emicans,  
Novarum gentium Apostolus unanimi  
totius Christiani orbis consensu me-  
ritò appellate,

Qui pro animarum salute innumeros,  
maximosque labores, atque arumnas  
perpeffus, ingentia terrâ, marique  
pericula subivisti, Quem

Ora pro nobis.

Ora pro nobis.



Quem DEUS adeò magnificavit, ut  
nomen tuum honorabile sit apud  
omnes gentes,

Verè Sanctus, & electus DEI, (*Urbanus  
VIII. A. 1623.*)

Mortuorum suscitatione, & Prophetiæ  
gratiâ toto orbe conspiciue,

Gravissimis pro Fidè Catholica labori-  
bus consummate, (*Alexand. VII. A.  
1663. in Martyrol. Rom.*)

Agnus DEI, qui tollis, &c.

Ora pro nobis.

## ORATIO AFFECTUOSA

AD S. FRANC. XAVERIUM.

*In quacunque corporis aut animæ afflictione.*

**S**anctissime Pater Franciscæ Xaveri, qui  
ex ore infantium & lactentium perficis  
laudes tuas; humillimè obsecro huma-  
nissimam charitatem tuam per sanguinem  
JESU pretiosissimum, & per Immaculatam  
Conceptionem Sanctissimæ Dominae nostræ  
MARIAE, ut mihi ab infinita DEI bonitate,  
(si me in hac mea afflictione diutius per-  
manere expedit) impetres; ut eam ex manu  
DEI susceptam, patientissimè perferam in  
honorem patientis Christi: sin me summa  
DEI bonitas eâ liberum velit: Protector mi  
prodigiosissime, excita potentiam tuam, &  
veni; ut me ab afflictione hac mea liberes,  
in manu forti, & in brachio tuo excello:

ut

ut null  
SUM,  
impetr  
Ecce P  
desider  
non est

ORA  
COMP  
GENT  
PEO

Æ  
creatas,  
nem tu  
probrui  
Memor  
salute  
quæso  
tuus ab  
cibus Sa  
ctissimi  
miseric  
infidelin  
agnosca  
num JE



ut nulli humano auxilio, sed tuis apud JESUM, & MARIAM intercessionibus mihi impetratam debeam ejusdem liberationem. Ecce Pater mi humanissime, ante te omne desiderium meum, & gemitus meus à te non est absconditus, Amen.

## ORATIO à S. XAVERIO

COMPOSITA, ET AB EODEM PRO  
GENTILIUM, HÆRETICORUM, AC  
PECCATORUM CONVERSIONE  
SÆPIUS USURPATA.

*Tursel. lib. 5. cap. 2.*

**Æ**terne rerum omnium effector DEUS  
memento abs te animas Infidelium,  
Hæreticorum, & peccatorum pro-  
creatas, easque ad imaginem, & similitudi-  
nem tuam conditas. Ecce Domine in op-  
probrium tuum, his ipsis infernus impletur.  
Memento JESum Filium tuum, pro illorum  
salute atrocissimam subiisse necem. Noli  
quæso Domine, ultrà permittere, ut Filius  
tuus ab infidelibus contemnatur; sed pre-  
cibus Sanctorum Virorum, & Ecclesiæ San-  
ctissimi Filii tui Sponsæ placatus, recordare  
misericordiæ tuæ; & oblitus idololatriæ, &  
infidelitatis eorum, effice, ut ipsi quoque  
agnoscant aliquando, quem misisti Domi-  
num JESum Christum, qui est salus, vita &  
re-



resurrectio nostra, per quem salvati & liberati sumus; cui sit gloria per infinita sæcula sæculorum, Amen.

ORATIO S. FR. XAVERII,  
PRO PERSECUTORIBUS.

*Tursel. vite l. 5. c. 6.*

**D**omine JESU Christe, Deus cordis mei, per acerbissimos mortis tuæ cruciatus obtestor te, ut intuearis tuas ipse cicatrices & vulnera, quæ Patri tuo assidue pro nobis exhibes, eaq; salubria esse velis omnibus persecutoribus nostris ut respiciant.

SUSPIRIA SINCERI AMORIS

*Rhythmo Hisp. à S. Xaverio composita.*

**N**ec gaudiorum æternitas  
Promissa diligenti,  
Nec inferorum æternitas  
Parata negligenti,  
Nec illa me, nec ista me  
Amare Te cõégit;  
Te! qui cruenti stipitis  
Sublatus in theatrum,  
Exemplar es pulcherrimi  
Et artifex Amoris.  
Ah! conspikor trabalibus  
Manus, pedesque clavis  
Fixumque pectus militis  
(Sed plus amoris) hastá!

Heu

ASPI

JESU  
ut te

Da n  
tuæ per  
plendæ

Non  
mini tu  
Quis  
cognosc



ari & libe-  
ita sæcula

VERII,  
JS.

ordis mei,  
æ crucia-  
tuas ipse  
no assidue  
se velis o-  
esipiscant.

MORIS  
posita.

as

Heu flagra, spinas, vulnera,  
Heu probra, sputa, fannas,  
Tandemque contemptissimam  
Pro me nocente mortem!

Hæc una me dulcissimi

Sinceritas Amoris;

Hæc ô Amator optime!

Amare Te cõegit.

Si nulla nobis præmia

Promitteres, Amarem:

Si nulla nobis tartara

Prædiceres, Amarem.

Gratisque Te, semperque Te

Amo DEUS, & amabo:

Ut tu prior, gratisque me

Amaveras, Amabo.

Tantumque Te, quod Optimus,

DEUSque sis, Amabo.

## ASPIRATIONES S. FR. XAV.

### INTERDIU FAMILIARES.

**J**ESU Christe Fili DEI vivi, da hoc nobis,  
ut te super omnia diligamus.

Da nobis Domine sanctissimæ voluntatis  
tuæ perfectè semper agnoscendæ, & adim-  
plendæ gratiam.

Non nobis Domine, non nobis, sed No-  
mini tuo da gloriam.

Quis mihi det, ut ego moriar pro te, &  
cognoscant te omnes fines terræ!

Heu

E

Am-



Amplius Domine *cruciari* amplius!  
DEUS cordis mei & pars mea DEUS in  
æternum.

Satis est Domine, *Te si habeam*, satis est.

## ASPIRATIONES EJUSDEM INTER DORMIENDUM.

*Tursel. l. 6. c. 5. & Rel. pro Canon. p. 19.*

**M**i JESU! Dulcis JESU!  
O JESU bone! O Creator mi!  
SUSPIRIA S. FRANCISCI XA-  
VERII MORIENTIS.

**J**ESU Fili David miserere mei! Tu autem  
peccatorum meorum miserere!

Mater DEI memento mei!

JESUS! MARIA.

JESU, DEUS cordis mei!

*Lib. 5. cap. II.*

*Post mortem apparuit S. Xaverius egro Ma-  
strillo; eumque persanans, hunc, sanctam cru-  
cem saluandi, modum docuit, in hæc verba:*

**A**ve Lignum Crucis! ave Crux pretiosissi-  
ma! me totum tibi dedico in perpe-  
tuum.

## AFFECTUS AMANTIS ANI- MÆ S. FRANC. XAVERII.

**O** DEUS! ego amo Te,  
Nec amo Te, ut salves me;

Aut



Aut quia non amantes Te  
 Æterno punis igne.  
 Tu, tu, mi JESU, totum me  
 Amplexus es in Cruce;  
 Tulisti Clavos, Lanceam,  
 Multamque Ignominiam,  
 Innumeros Dolores,  
 Sudores, & Angores.  
 Ac mortem: & hæc propter me,  
 Ac pro me peccatore.  
 Cur igitur non amem te,  
 O JESU Amantissime!  
 Non, ut in cælo salves me,  
 Aut nè in æternum damnes me,  
 Nec præmii ullius spe,  
 Sed sicut Tu amâsti me,  
 Sic amo, & amabo Te.  
 Solùm quia Rex meus es;  
 Et solùm quia DEUS es. Amen.

*Hanc Orationem quicumque dixerit ante Imagi-*  
*nem S. Francisci Xaverii, toties Indulgentiam*  
*200. dierum lucrabitur.*

## FORMA ELIGENDI S. FRANCISCUM XAVERIUM IN PATRONUM.

**S**ancte, & Glorioso Indiarum Apostole,  
 Francisce Xaveri, ego N.N. tuâ, quâ in  
 omnes te invocantes benignus es, pie-

E:

cate

Aut






tate invitatus; te hodie in Patronum, & Advocatum eligo; & corpus meum, & animam meam; omnem spem meam, & consolationem meam; omnes angustias, & misérias meas; vitam, & finem vitæ meæ in sinum tuæ charitatis commendo. Obsecro te igitur, suscipe me in clientem perpetuum, ad sis mihi in omnibus actionibus meis, ut eæ ad omne beneplacitum DEI dirigantur. Amen.

### FORMULA,

QUA SE PIA QUÆDAM ANIMA  
S. XAVERIO DEVOVIT.

**O**mnipotens sempiterne DEUS, qui B. Franciscum Xaverium gratiâ sanitatum universo orbi celebrem effecisti: Ego N. N. licet Divino tuo conspectu indignissimus, fretus tamen ejusdem S. Francisci Xaverii intercessione coram Divina tua Majestate prostratus voveo me (quoad vita & sanitas indulserit) 3am diem Decemb. quæ eidem S. Francisco Xaverio sacra est, quotannis confessione, & S.S. Eucharistiæ sumptione celebraturum. Accipe, Misericordissime DEUS, indignissimi servi tui humile votum, & præsta; ut, quod meis meritis non valeo, id Sancti tui Francisci Xaverii patrocínio, & piâ intercessione assequar. Per Christum Dominum nostrum. Amen.



DOCU.

DO

BL  
EX V  
C

V

os (ut  
ut seme  
ita den  
sed alie  
lem su  
bram f  
delecta  
suis ho  
tum :  
Se ab o  
visse, sp  
iis, qu  
Imò li  
inquiet  
strasqu

# DOCUMENTA VITÆ

## BENE INSTITUENDÆ.

EX VITA, ET EPISTOLIS S. FRAN-  
CISCI XAVERII DESUMPTA.

### I.

**V**incere seipsum, primum existimabat,  
maximeque necessarium ad om-  
nem sanctimoniam documen-  
tum. Unde non solum socios su-  
os (ut ait Turf. vitæ lib. 6. c. 2.) admonebat,  
*ut semet parvis in rebus vincere assuescerent,*  
*ita demum majorum certaminum fore victores:*  
sed alios quoque, quorum curam spiritua-  
lem suscipiebat, hortabatur assidue ad cre-  
bram sui victoriam circa iram, & sensuum  
delectationem: alioque profecturus intimis  
suis hoc supremum relinquebat documen-  
tum: *Vince teipsum.* Aiebat enim L. 3. Ep. 4.  
*Se ab optimo parente nostro Ignatio sapius audi-*  
*visse, spem & fiduciam divinam plerumque dari*  
*iis, qui seipsos omni ratione superare conantur.*  
Imò lib. 3. Ep. 4. & l. 1. Ep. 1. Beatum esse,  
inquebat, vivere quotidie moriendo, no-  
strasque frangendo voluntates.



## II.

*Contra tentationes* muniendum propositis animum docebat. Ideo sui ordinis Religiosis suadebat, ut quotidie sub meditationem vota renovarent contra Dæmonis insidias. Turf. l. 6. c. 18. Ad fortiter verò, & constanter contra eas pugnandum hoc præferrim motivum adhibebat, quod ex ipsa pugna liquidissima voluptas animi emer-  
gat. In quem sensum scribit Lib. 3. Ep. 5. *Bone DEUS, non intelligunt homines, quantâ, quam liquida voluptate careant idcirco, quod minus fortiter dæmonis conatibus obsistant.*

## III.

*Detrimentum animæ* undequaque præcavendum monebat. Ideo quod à S. Ignatio Parisiis didicerat, passim omnibus instillabat, ut quotidie per quartam horæ partem illam Christi sententiam expenderent: *Quid prodest homini, si universum mundum lucretur, animæ verò suæ detrimentum patiatur?* Ita scribit l. 3. Ep. 5. *Memento te semper illam celestis Magistri vocem: Quid prodest homini, &c.* Et Regi Lusitanæ, Lib. 2. Epist. 5. saluberrimum idem consilium suggerit, ut quotidie per quadrartem horæ divinam hanc sententiam meditando, germanam ejus intelligentiam à DEO petat, cum sensu animi interiore

con-

conjun-  
rum ill

Ad  
nitio;  
quæ a  
enim  
iri. I  
nimu  
piam  
putan  
parvo  
tumq  
huius  
profe  
ad de  
recipi

Con  
dam  
vitæ  
cumb  
confe  
& fir  
verò  
nem  
ne de  
rum  
verbo



*conjunctam; & simul omnium precationum suarum illam velit esse clausulam: Quid prodest &c.*

## IV.

*Attendendum sibi*, crebra erat ejus monitio; nec torpendum ad ea, quæ DEO, quæ animæ, & conscientiæ debentur; ita enim facilius ac promptius DEO servitum iri. Idcirco mentem quotidie, mane minimum, & vespere colligendam, & quidpiam de vita Christi considerandum. Reputandum sæpe cum animo, quam quisque parvos in virtute progressus fecerit, quantumque temporis contriverit. Nam qui huiusmodi cogitationes suscipiunt, hos profecto, aiebat, pudet, ac stimulis excitati ad detrimenta sarcienda animos ac vires recipiunt. *Ioan. Lucen. in ejus vita.*

## V.

*Conscientiæ puritatem*, magnopere curandam semper suasit, tanquam in ea perfectæ vitæ cardo verteretur: ideo nunquam decumbendum lecto, nisi prius benè excusâ conscientiam, petita à DEO erratorum venia, & firmato melioris vitæ proposito: manè verò primam suscipiendam esse cogitationem de modo corrigendi pridiano examine deprehensa peccata, & vitandi ea, quorum posset se occasio exhibere. Quod verbo suasit, firmavit exemplo, qui quoti-



die sapius, & accuratè conscientiæ sinum  
excutebat. *Ioan. Luc. in vita.*

## VI.

*Moreis*, ut optimæ rerum agendarum  
consultricis memoriam summis, & imis  
habendam docebat. Hanc liberè ingere-  
bat Joanni III. Regi Lusit. Lib. 5. Epist. 6.  
*Postula à DEO Domino nostro, ut in hac vita*  
*dee tibi gratiam sentiendi, & agendi id, quod*  
*in momento tuæ mortis gauderes te fecisse.*  
Et Lib. 5. Epist. 12. ad eundem: *Decretori-*  
*um eternitatis momentum citiùs aderit, quàm*  
*Majestas tua putat. Quare danda maturè*  
*opera, ut benè ad illud paratus occurras. Regna*  
*& principatus transeunt. His nova succedet,*  
*& inopinatissima rerum facies, plane qualis ne*  
*cogitatione quidem, aut suspitione primâ Maje-*  
*stati tuæ unquam in mentem venerit.*

## VII.

*Ad teporem excutiendum hanc suggererat*  
*cogitationem lib. 3. Ep. 5. Cogites, complures*  
*esse homines facinorosos, qui, si abstersâ superio-*  
*ris vitæ quasi fuligine, in eâdem, in qua tu es*  
*scholâ virtutis, divinitus collocarentur, non mo-*  
*dò vitæ rationem commutarent, sed etiam te*  
*sedulitate, ac virtute, non sine tuo pudore, præ-*  
*currerent.*

## VIII.

*Ut sa-*  
*cationem*  
*Sine ex i*  
*tractati,*  
*femetipsis*  
*nomen*  
*12. Ch*  
*quiete la*  
*nis part*  
*amatores*  
*ducunt :*  
*putant.*

*Hum*  
*Epist. 5*  
*mòque si*  
*penitus*  
*est divin*  
*tatis.*  
*nascitur*  
*Et ibid*  
*tat, du*  
*ciantur,*  
*inflati,*  
*sempiter*  
*autem o*



## VIII.

Ut sanctum nostri ipsorum, odium ac mortificationem persuaderet, ita scripsit lib. 2. Ep. 1. Sine ex iis, qui à mundo, carne, diabolo injuriose tractati, suas pariter & DEI injurias ulcisci in semetipsis expectant. Hoc studio Christiani nomen sustinendum censebat Lib. 2. Ep. 12. Christianum est in cruce magis, quàm in quiete latari. Quandam in eo beatitudinis partem reperiebat lib. 1. Ep. 1. Crucis amatores, vitam ærumnis exercitam beatam ducunt: Crucis autem fugam mortis instar putant.

## IX.

Humilitatem ita commendabat Libr. 3. Epist. 5. Diligenter colite humilitatem; summoque studio elaborate, ut divinâ ope vos ipsos penitus cognoscatis. Nam sui cognitio nutrit est divinæ fiduciæ, ac parens Christianæ humilitatis. Quippe ex nostri diffidentiâ DEI fiducia nascitur, quæ vera est, atque germana fiducia. Et ibidem acrius ad hanc virtutem incitat, dum ait: Multi nunc apud inferos cruciantur, qui, quòd falsâ fallacique sui opinione inflati, germanâ animi submissione vacarent, ad sempiternas illas pœnas sunt devoluti. Nemo autem omnino apud inferos est eorum, qui, cum

E 5      bujus



*hujus vite arumnis afflarentur, id egerunt, ut interiore illa humilitate animum munirent suum.*

## X.

*Orationem, ut colebat ipse, & piaculi loco ducebat inter tantas occupationes minimum de solitis pietatis exercitiis detrahere, ita etiam aliis magnopere commendabat; imò & iis addendum suadebat. Turfel. lib. 6. cap. 16. semper & ubique cum DEO agere visus, ad agendum cum DEO alios invitabat. Jaculatorias, quas vocamus, preces & fundebat identidem, & teneram etiam aetatem docebat. Rel. Canoniz. Orland. Hist. lib. 2. n. 22. Ad MARIAM Matrem DEI tenero agebatur affectu, hujus intercessioni omnia committebat: Quò facilius impetrarem, inquit, Sanctissimam DEI Parentem adhibui Patronam, quæ celi Regina, nullò negotiò, quicquid orat Filium, exorat. lib. 2. Ep. 6. Hanc vivens, hanc moriens compellabat sæpius: Monstra te esse Matrem: Mater DEI memento mei. Vulnera Christi frequentissimè pro conversione infidelium & peccatorum adorabat: Turfel. lib. 5. cap. 2. Animas in purgatoriiis flammis agentes quotidie sub vespere precibus juvandas mo-*

monet  
Xaveri  
Diem  
lus, n  
exigeb

Ad  
Epist.  
nihil e  
zins, q  
rari, e  
contraq  
tium,  
rum,  
eo, qu  
facias,  
esse, q

Vir  
non  
spont  
tenis  
que  
mort  
erat  
post  
suav  
ejus



egerunt,  
munirent

z piaculi  
pationes  
citiis de-  
re com-  
n suade-  
r & ubi-  
agendum  
ulatorias,  
t identi-  
docebat.  
. n. 22.  
ero age-  
omnia  
rem, in-  
adhibui  
negotiò,  
. Ep. 6.  
pellabat  
ater DEI  
quentis-  
& pec-  
cap. 2.  
agentes  
uvandas  
mo-

monebat, lib. 4. Epist. 19. Univerſa vita Xaverii fervens & continua fuit oratio: Diem in auxilio proximi tanquam Apoſtolus, noctem ut Anachoreta inter preces exigebat.

## XI.

*Ad obedientiam ita exhortabatur Lib. 2. Epist. 1. Credas mihi, tibiſque perſuadeas velim, nihil eſſe tutius, atque ab omni errore remotius, quàm ſemper optare ſibi ab aliis imperari, & imperantibus ex animo obtemperare: contraque lubricum, ac periculoſum eſſe negotium, ad ſuum arbitrium vivere, omiſſo eorum, qui præſunt, imperio. Nam ut ab eo, quod præſcribitur, deſtlectens rectè aliquid facias, tamen ſic habeto, in eo plus pravi eſſe, quàm recti.*

## XII.

*Virginitatem exemplo docuit. Pro hac non tantùm vigil jejuniiſ, orationibus, ſpontaneis ſuis verberibus, ciliciis & catenis decertavit, ſed etiam dormiens uſque ad ſanguinem pugnavit. Vixit, ac mortuus eſt virgo: & quemadmodum erat animo immaculatus, ita corpore poſt vitam manſit incorruptus, odore ſuaviſſimo è lypſanſ diſſuſo. Turſel. in ejus vita.*

## XIII.



## XIII.

*Patientia exercendæ uti materia est frequens, ita sit promptus animus. Stimulum à D. Xaverio accipe: Ærumna, omnia incommoda, si DEI causâ, ut par est, subeantur, profectò magna solatia sunt, & materia multarum, magnarumque celestium voluptatum. Lib. I. Ep. I. Quodsi quando celestis Numinis permissu exagiteris, atque vexeris, tum tibi persuade, aut virtutem tuam exerceri, aut vitia & delicta expiari. Ita vel meriti occasionem fieri, vel humilitatis. Lib. 3. Ep. 5.*

## XIV.

*Dilectionem proximi suadebat exemplo Dilectionis Christi in Homines. Ad hanc spectare aiebat, ut sensim feratur ac sine molestia, si quid in proximi moribus apparet intolerabile. Lucen. in vita. Conversationem circumspectam esse volebat: Moneo vos, inquit, ita cum amicis intimis agere, quasi ipsi futuri sint olim inimici vestri. Multum enim proderit hæc animadversio. Lucen. in vita. Inimicos oratione & beneficiis vincendos ita monebat: Illud præclarum est ulciscendorum inimicorum genus, ut eis & ca-*  
*leste*

*leste N  
deamus  
impro  
bat:  
pater  
fulere  
vitiis  
ab illis  
tamen  
que pe  
sua cler  
vet, in  
bono m*

*Volu  
frequen  
docum  
DEO,  
ejus nu  
quaque  
DEUM  
suam;  
à nobis  
quamur*



leste Numen placare, & benigna facere studeamus. Lib. 4. Ep. 12. Leni cum improbis agendum animô ita suadebat: Talem eis te prabeas, qualem bonus pater improbis filiis, ut nunquam eis consulere desinas, quamvis cernas multis eos vitiis coopertos. Siquidem DEUS ipse, etsi ab illis, & à nobis saepe laesus, non desistit tamen suis omnes beneficiis cumulare: cumque perdere nos jure posset, tamen pro sua clementia in nostris delictis saepius connivet, in difficultatibus subvenit, ut vincat in bono malum.

## XV.

Voluntati DEI ut nostra conformetur frequentissimum est in ejus epistolis documentum. Lib. 1. Ep. 1. Sedulam DEO, ut par est, navantes operam, ad ejus nutum & voluntatem totos nos usquequaque conformemus. Rogandum aiebat DEUM, ut doceat nos facere voluntatem suam; sic prorsus, ut quaecunque requirit à nobis, haud secus, quàm ipse velit, exequamur.





# PIESN

## O S. FRANCISZKU

## XAWERYM

### INDYISKIM APOSTOLE.

**W**ielki podziemnych krajow Apostole  
 W iasnym Senatu Niebieskiego kole  
 Święty Xawery witay posadzony.  
 Witay Doktoriskim wieniec ozdobyony  
 Swietny Kleynocie Anielskieyczystości  
 Perło Indyiska, uboſtwa godności.  
 Prętkiego dziwny wzorze poſtuſzenſtwa  
 Udziel pragnącym twego nabożeństwa  
 Naczyniem, Imię Jezufa noſzącym.  
 Prorokiem ieſteś narody uczącym  
 Różnemi oraz mowiąc ięzykami.  
 Zazyi ich teraz do Boga za nami  
 Mężny obrońco Naywyższego chwały.  
 Zwycięzkie w rękę piałtuiący strzały  
 Zran, Serca naſze niebieſką miłością  
 Zapal twoiego Ducha gorącością.  
 Jasna Swiatłości kraju Japonſkiego  
 Ogromna trąbo Ducha Nayświętſzego  
 Niech nam Sądowej trąby zabrzmi trwoga.  
 Byśmy zbawiennie pomnieli na Boga.  
 Przedziwnych cudow bogata ſkarbnico  
 Chromych podporo, y ślepych żrzenico  
Użycz



Użyjcz Boskiego światła y pomocy.  
Tym którzy błędzą na wieczne pułnocy  
Wspomożycielu na morzu tonących  
Bespieczny porcie okrętów płynących  
Ktorzy pomorzu świata zegluien y.  
Poday nam rękę niechay nietoniemy  
Ciebie y morza burzliwe słuchaia:  
Tobie żywioły ucha nadstawiaia:  
Więc wyuzdanych poskrom namiętności  
Bijące na nas zewsząd nawałności.  
Ucieczko pewna chorobą złożonych  
Słodka pociecho Ludzi utrapionych.  
Przyimi do twoiey tęskniących opieki.  
Ziednay wesele trwające na wieki.  
Woyska Czartowskie ciebie się lękaia.  
Umarli z grobu na twoy głos powstaia.  
Nie day piekielney nam potędze szkodzić.  
Gdy będziem z placu śmiertelnego schodzić  
Schyla pod twój Oycze święty nogi.  
Starte na głowę bałwochwaństwo rogi.  
Szerokich granic piekłoć ustępuie.  
A Niebo z nowych gości tryumfuie.  
Radosny wśzytek kościół wołuiący.  
Gdy mu zgubioną owcę dzwigaiący.  
Na Swych ramionach Xawery przynosi.  
Niech wieczna sława imię jego głosi!  
Dzielny żołnierzu rotę Jezusowey.  
Ognisty wiary strażniku Piotrowey.  
Zachęć nas swoim przykładem docnoty.  
Pobudź do świętey koło dużej roboty.

Serce.



Serce w Franciszku Jezusowe było.  
A Franciszkowe w Jezusa wstąpiło.  
Gdy cierpiał ieden, drugi potu wiele.  
Wylewał, iakby mieszkał wtymże ciele  
Fenixie ogniem spalony miłości.  
Zadatku wieczney nieśkażitelności:  
Uproś nam Szczere Boga zakochanie.  
Ziednay do miłej Oyczyzny wzdychanie  
Mocna kolumno kościoła wschodniego.  
Zakonudawco Ludu dalekiego.  
Wspieray nas twoją przemożną przyczyną,  
Gdy śmierć ostatnią pogrozi ruiną.

Ad M. D. G. & B. V. M. Honorem,



e.  
fiele

nie.  
chanie  
iego.

yćzyną,


orem,







Biblioteka Jagiellońska



stdr0019395



